



# МОЛИТВОСЛОВ



# МОЛИТВОСЛОВ

*с правилом  
ко Святому Причащению*



**Приход**  
Москва  
2008

По благословению  
Святейшего Патриарха  
Московского и всея Руси  
АЛЕКСИЯ II

СОДЕРЖАНИЕ

Молитвы утренние .....	3
Молитвы на сон грядущим .....	18
Каноны .....	35
Последование ко Святому Причащению .....	59
Благодарственные молитвы по Святом Причащении .....	85
Молитвы разные .....	92

МОЛИТВЫ



УТРЕННИЕ

*Востав от сна, прежде всякого другого дела, стань благоговейно, представляя себя пред Всевидящим Богом, и, совершая крестное знамение, произнеси:\**

Во имя Отца, и Сына, и Святаго Духа.  
Аминь.

*Затем немного подожди, пока все чувства твои не придут в тишину и мысли твои не оставят все земное, и тогда произноси следующие молитвы, без поспешности и со вниманием сердечным:*

**Молитва мытаря (Лк. 18, 13)**

Бóже, милостив бóди мне грешному.  
(Поклон)

**Молитва предначинательная**

Господи Иисусе Христэ, Сыне Бóжий, моли́тв ради Пречíстия Твоея Матере и всех святых, помилуй нас. Аминь.

Сла́ва Тебе́, Бо́же наш, сла́ва Тебе́.

\* Напечатанное курсивом (названия молитв и пояснения) не читается во время молитвы.

### *Молитва Святому Духу*

Царю Небесный, Утешителю, Душе истины, Иже везде сый и вся исполняяй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша\*.

### *Трисвятое*

Святый Боже, Святый Крепкий, Святый Безсмертный, помилуй нас. (*Читается трижды, с крестным знаменем и поясным поклоном.*)

Слава Отцу и Сыну и Святому Духу, и ныне и присно и во веки веков. Аминь.

### *Молитва ко Пресвятой Троице*

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. (*Трижды*) Слава, и ныне\*\*.

\* От Пасхи до Вознесения вместо этой молитвы читается тропарь:

«Христос воскрес из мертвых, смертию смерть поправ, и сущим во гробех живот даровав». (*Трижды*)

От Вознесения до Троицы начинаем молитвы со «Святый Боже...», опуская все предшествующие. Это замечание относится и к молитвам на сон грядущим.

\*\* Когда написано «Слава:», «И ныне:», надо читать полностью: «Слава Отцу и Сыну и Святому Духу», «И ныне и присно и во веки веков. Аминь».

### *Молитва Господня*

Отче наш, Иже еси на небесех! Да святится имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

### *Тропари Троицные*

Воставше от сна, припадаем Ти, Блаже, и ангельскую песнь вопием Ти, Сильне: Свят, Свят, Свят еси, Боже, Богородицею помилуй нас.

*Слава:* От одра и сна воздвигл мя еси, Господи, ум мой просвети и сердце, и устне мои отвори, во еже пети Тя, Святая Троице: Свят, Свят, Свят еси, Боже, Богородицею помилуй нас.

*И ныне:* Внезапно Судия придет, и коегождо деяния обнажатся, по страхом зовем\* в полунощи: Свят, Свят, Свят еси, Боже, Богородицею помилуй нас.

Господи, помилуй. (*12 раз*)

### *Молитва ко Пресвятой Троице*

От сна встав, благодарю Тя, Святая Троице, яко многия ради Твоей благодати

\* В церковнославянском языке нет звука ё, а поэтому надо читать «зовем», а не «зовём», «твое», а не «твоё», «моё», а не «моё» и т. д.

и долготерпѣнія не прогнѣвался еси на мя, лениваго и грешнаго, ниже погубил мя еси со беззаконьми моими; но человеколюбовствовал еси обычно и в нечаянии лежащаго воздвигл мя еси, во еже утреневати и славословити державу Твою. И ныне просвети мои очи мысленныя, отверзи моя уста поучатися словесѣм Твоим, и разумѣти заповѣди Твоя, и творити волю Твою, и пѣти Тя во исповѣданнии сердечнем, и воспевати всесвятое имя Твое, Отца и Сына и Святаго Духа, ныне и присно и во веки веков. Аминь.

Приидіте, поклонимся Царѣви нашему Богу. *(Поклон)*

Приидите, поклонимся и припадѣм Христу, Цареву нашему Богу. *(Поклон)*

Приидите, поклонимся и припадѣм Самому Христу, Цареву и Богу нашему. *(Поклон)*

### ***Псалом 50, покаянный***

Помилуй мя, Боже, по велицей милости Твоей, и по множеству щедрот Твоих очисти беззаконіе мое. Наипаче омый мя от беззаконія моего, и от греха моего очисти мя; яко беззаконіе мое аз знаю, и грех мой предо мною есть вѣну. Тебе единому согрешихъ и лукавое пред Тобою сотворихъ; яко да оправдишися во словесѣх Твоих, и победиши внегда судити Ти. Се бо, в беззаконіих зачатъ есмь, и во гресѣх роди мя мати моя. Се бо,

истину возлюбил еси; безвѣстная и тайная премудрости Твоея явил ми еси. Окропиши мя иссопом, и очинуся; омьени мя, и паче снега убелюся. Слуху моему даши радость и веселіе; возрадуются кости смиренныя. Отврати лице Твое от грех моих и вся беззаконія моя очисти. Сердце чисто созижди во мнѣ, Боже, и дух прав обнови во утробѣ моей. Не отвѣржи мене от лица Твоего и Духа Твоего Святаго не отыми от мене. Воздаждь ми радость спасенія Твоего и Духом Владычним утверди мя. Научу беззаконныя путем Твоим, и нечестивии к Тебѣ обратятся. Избави мя от кровей, Боже, Боже спасенія моего; возрадуется язык мой правде Твоей. Господи, устнѣ мои отвѣрзени, и уста моя возвестят хвалу Твою. Яко аще бы восхотѣл еси жертвы, дал бых убо; всесожженія не благоволиши. Жертва Богу дух сокрушен; сердце сокрушенно и смиренно Бог не уничижит. Ублажи, Господи, благоволеніем Твоим Сиона, и да созиждутся стѣны Иерусалимскія. Тогда благоволиши жертву правды, возношеніе и всесожегаемая; тогда возложатъ на олтарь Твой тельцы.

### ***Символ веры***

<sup>1</sup> Вѣрую во единого Бога Отца, Вседержителя, Творца небу и земли, видимым же всем и невидимым. <sup>2</sup> И во единого Господа

Иисуса Христа, Сына Божия, Единороднаго, Иже от Отца рождённого прежде всех век; Света от Света, Бога истинна от Бога истинна, рождённа, несотворенна, единосущна Отцу, Имже вся бышна. <sup>3</sup>Нас ради человек и нашего ради спасения сшедшаго с небес и воплотившагося от Духа Свята и Марии Девы, и вочеловечшася. <sup>4</sup>Распятаго же за ны при Понтийстем Пилате, и страдавша, и погребённа. <sup>5</sup>И воскресшаго в третий день по Писанием. <sup>6</sup>И возшедшаго на небеса, и седяща одесную Отца. <sup>7</sup>И паки грядущаго со славою судити живым и мертвым, Егоже Царствию не будет конца. <sup>8</sup>И в Духа Святаго, Господа, Животворящаго, Иже от Отца исходящаго, Иже со Отцем и Сыном спокланяема и славима, глаголющаго пророки. <sup>9</sup>Во едину Святую, Соборную и Апостольскую Церковь. <sup>10</sup>Исповедую едино крещение во оставление грехов. <sup>11</sup>Чаю воскресения мертвых, <sup>12</sup>и жизни будущего века. Аминь.

***Молитва 1-я,  
св. Макария Великого***

Боже, очисти мя грешнаго, яко николиже сотворих благое пред Тобою; но избави мя от лукаваго, и да будет во мне воля Твоя, да неосуждённо отверзу уста моя недостойная

и восхваляю имя Твое святое, Отца и Сына и Святаго Духа, ныне и присно и во веки веков. Аминь.

***Молитва 2-я, того же святого***

От сна встав, полунощную песнь приношу Ти, Спасе, и припадая воиному Ти: не даждь ми уснути во греховней смерти, но ущедри мя, распыйся волею, и лежащаго мя в лениости ускори в возстаии, и спаси мя в предстоянии и молитве, и по сие поцнемъ возсияй ми день безгрешен, Христе Боже, и спаси мя.

***Молитва 3-я, того же святого***

К Тебе, Владыко Человеколюбче, от сна встав прибегаю, и на дела Твоя подвизаюся милосердием Твоим, и молюся Тебе: помози ми на всякое время, во всякой вещи, и избави мя от всякия мирския злыя вещи и диавольскаго поспешения, и спаси мя, и введи в Царство Твое вечное. Ты бо еси мой Сотворитель и всякому благу Промысленник и Податель, о Тебе же все упование мое, и Тебе славу возсылаю, ныне и присно и во веки веков. Аминь.

***Молитва 4-я, того же святого***

Господи, Иже многою Твоею благостию и великими щедротами Твоими дал еси мне, рабу Твоему, мимошедшее время нощи сея



без напасти прейти от всякаго зла противна; Ты Сам, Владыко, всяческих Творче, сподоби мя истинным Твоим светом и просвещенным сердцем творить волю Твою, ныне и присно и во веки веков. Аминь.

*Молитва 5-я,  
св. Василия Великого*

Господи Вседержителю, Боже сил и всякия плоти, в вышних живый и на смиренныя призираый, сердца же и утробы испытуй и сокровенная человеков яве предведый, Безначальный и Присносущный Свете, у Него же несть пременение, или преложения осенение; Сам, Безсмертный Царю, приими моления наша, яже в настоящее время, на множество Твоих щедрот дерзающе, от скверных к Тебе устен творим, и остави нам прегрешения наша, яже делом, и словом, и мыслию, ведением, или неведением согрешенная нами; и очисти ны от всякия скверны плоти и духа. И даруй нам бодренным сердцем и трезвенною мыслию всю настоящаго жития ночь прейти, ожидающим пришествия светлаго и явленного дне Единороднаго Твоего Сына, Господа и Бога и Спаса нашего Иисуса Христа, в онь же со славою Судия всех придет, комуждо отдати по делом его; да не падше и обле-

пившиеся, но бодрствующе и воздвижени в делание обрящемся готови, в радость и Божественный чертог славы Его совнидем, идеще празднующих глас непрестанный, и неизреченная сладость зрящих Твоего лица доброту неизреченную. Ты бо еси истинный Свет, просвещаый и освящаый всяческая, и Тя поет вся тварь во веки веков. Аминь.

*Молитва 6-я, того же святого*

Тя благословим, вышний Боже и Господи милости, творящаго присно с нами великая же и неизследованная, славная же и ужасная, ихже несть числа, подавшего нам сон во упокоение немощи нашея, и ослабление трудов многотрудныя плоти. Благодарим Тя, яко не погубил еси нас со беззаконными нашими, но человеколюбствовал еси обычно, и в нечаянии лежащия ны воздвигл еси, во еже славословити державу Твою. Темже молим безмерную Твою благодать, просвети наша мысли, очеса, и ум наш от тяжкаго сна лености возстави: отверзи наша уста, и исполни я Твоего хваления, яко да возможем непоколеблемо пети же и исповедатися Тебе, во всех, и от всех славному Богу, Безначальному Отцу, со Единородным Твоим Сыном, и Всесвятым и Благим и Живо-

творящим Твоим Духом, ныне и присно, и во веки веков. Аминь.

*Молитва 7-я,  
ко Пресвятой Богородице*

Воспеваю благодать Твою, Владычице, молю Тя, ум мой облагодати. Ступати право мя настави, путём Христовых заповедей. Бдети к песни укрепи, уныния сон отгоняючи. Связана пленицами грехопадений, мольбами Твоими разреши, Богоневесто. В нощи мя и во дни сохраняй, борющихся враг избавляючи мя. Жизнодателя Бога рождшая, умерщвлена мя страстьми оживи. Яже Свет не вечерний рождшая, душу мою ослепшую просвети. О, дивная Владычня налато, дом Духа Божественна мене сотвори. Врача рождшая, уврачуй души моея многолетныя страсти. Волнующаяся житийскою бурей, ко стези мя покаяния направи. Избави мя огня вечнующаго, и червня же злаго, и тартара. Да мя не явиши бесом радование, иже многим грехом повинника. Нова сотвори мя, обещавшаго нечувственными, Пренепорочная, согрешении. Странна муки всякия покажи мя, и всех Владыку умоли. Небесная ми улучити веселия, со всеми святыми, сподоби. Пресвятая Дево, услыши глас непотребнаго раба Твоего. Струю давай

мне слезам, Пречистая, души моя скверну очищаючи. Стенания от сердца приношу Ти непрестанно, усердствуй, Владычице. Молбную службу мою прими, и Богу благоутробному принеси. Превышшая Ангел, мирскаго мя превышна слития сотвори. Светоносная Сене небесная, духовную благодать во мне направи. Руце воздею и устне к похвалению, осквернены скверною, Всенепорочная. Душтеленных мя пакостей избави, Христа прилежно умоляючи; Ему же честь и поклонение подобает, ныне и присно, и во веки веков, аминь.

*Молитва 8-я,  
Господу нашему Иисусу Христу*

Многославен и Всемилостиве Боже мой, Господи Иисусе Христе, многия ради любви сшел и воплотился еси, яко да спасеши всех. И ныне, Спасе, спаси мя по благодати, молю Тя; аще бо от дел спасения мя, несть се благодать и дар, но долг наше. Ей, многий в щедротах и неизреченный в милости! Верую бо в Мя, рекл еси, о Христе мой, жив будет и не узрит смерти во веки. Аще убо вера, яже в Тя, спасает отчаянных, се верую, спаси мя, яко Бог мой еси Ты и Создатель. Вера же вместо дел да вменится мне, Боже мой, не обрящени бо дел отнюд



оправдающих мя. Но та вера моя да довлѣетъ вместо всехъ, та да отвещаетъ, та да оправдитъ мя, та да покажетъ мя причастника славы Твоея вечныя. Да не ѹбо похититъ мя сатана, и похвалится, Слове, еже отторгнуть мя отъ Твоея руки и ограды; но или хочу, спаси мя, или не хочу, Христе Спасе мой, предвари скоро, скоро, погибѡхъ: Ты бо еси Богъ мой отъ чрева матере моея. Сподоби мя, Господи, ныне возлюбити Тя, якоже возлюбихъ иногда той самый грѣхъ; и наки поработати Тебе безлѣности тощю, якоже поработахъ прежде сатанѣ лъстивому. Наипаче же поработаю Тебѣ, Господу и Богу моему Иисусу Христу, во вся дни живота моего, ныне и присно, и во веки вековъ, аминь.

*Молитва 9-я, к Ангелу хранителю*

Святѣй Ангеле, предстоѣйи окаянной моеѣ души и страстной моеѣ жизни, не остави мене грѣшнаго, ниже отступи отъ мене за невоздержаніе мое. Не даждь мѣста лукавому дѣмону обладати мною, пасильствомъ смертнаго сего телесе; укрепи бедствующую и худую мою руку и настави мя на путь спасенія. Ей, святѣй Ангеле Божій, хранителю и покровителю окайнныхъ моеѣ души и тела, вся мнѣ прости, слѣзими тя оскорбихъ во вся дни живота моего, и аще что согрешихъ въ прешедшую нощь сию, покрый мя въ настоящий

день, и сохрани мя отъ всякаго искушенія противнаго, да ни въ комъ грѣсѣ прогневаю Бога, и молися за мя ко Господу, да утвердитъ мя въ страхѣ Своемъ, и достойна покажетъ мя раба Своея благодати. Аминь.

*Молитва 10-я,  
ко Пресвятой Богородице*

Пресвятая Владычице моя Богородице, святыми Твоими и всесильными мольбами отъженіи отъ мене смиреннаго и окаяннаго раба Твоего уныніе, забвеніе, неразуміе, нераденіе, и вся скверная, лукавая и хульная помышленія отъ окаяннаго моего сердца и отъ помраченнаго ума моего; и погаси пламень страстей моихъ, яко нищъ есмь и окаянен. И избави мя отъ многихъ и лютыхъ воспоминаній и предприятий, и отъ всехъ дѣйствъ злыхъ свободи мя. Яко благословена еси отъ всехъ родовъ, и славится пречестное имя Твое во веки вековъ. Аминь.

*Молитвенное  
призываніе святого,  
имя котораго пошлешь*

Моли Бога о мнѣ, святѣй угодниче Божій (имя), яко азъ усердно къ тебѣ прибегаю, скорому помощнику и молитвеннику о душе моеѣ.

*Песнь**Пресвятой Богородице*

Богородице Дѣво, радуйся, Благодѣтельная Маріе, Господь с Тобою; благословѣна Ты в женѣх и благословен плод чрева Твоего, яко Спаса родила еси душ наших.

*Тропарь Кресту**и молитва за отечество*

Спаси, Господи, люди Твоя, и благослови достояние Твое, победы на сопротивныя даяуя, и Твое сохраняя Крестом Твоим жительство.

*Молитва о живых*

Спаси, Господи, и помилуй отца моего духовнаго (*имя*), родителей моих (*имена*), сродников (*имена*), начальников, наставников, благодетелей (*имена их*) и всех православных христиан.

*Молитва о усопших*

Упокой, Господи, души усопших раб Твоих: родителей моих, сродников, благодетелей (*имена их*) и всех православных христиан, и прости им вся согрешения вольная и невольная, и даруй им Царствие Небесное.

*Окончание молитв*

Достойно есть яко воистинну блажити Тя Богородицу, Присноблаженную и Препеорочную и Матерь Бога нашего. Честнейшую Херувим и славнейшую без сравнения Серафим, без истлѣния Бога Слова рождшую, сущую Богородицу Тя величаем\*.

Слава, и ныне: Господи, помилуй. (*Трижды*)

Господи Иисусе Христе, Сыне Божий, молитв ради Пречистыя Твоея Матере, преподобных и богоносных отец наших и всех святых помилуй нас. Аминь.

*В пасхальную седмицу вместо утренних молитв читают обычно пасхальные часы.*

\* От Пасхи до Вознесения вместо этой молитвы читается припев и irmos 9-й песни пасхального канона:

«Ангел вопиюще Благодатней: Чистая Дѣво, радуйся! И паки реку: радуйся! Твой Сын воскрес тридневен от гроба и мертвыя воздвигнувый; людие, веселитесь!

Светися, светися, новый Иерусалиме, слава бо Господня на тебе возсия. Ликуй ныне и веселися, Сионе. Ты же, Чистая, красуйся, Богородице, о востаннии Рождества Твоего».

Это замечание относится и к молитвам на сон грядущим.

## МОЛИТВЫ



## НА СОН ГЯДУЩИМ

Во имя Отца, и Сына, и Святаго Духа.  
Аминь.

Господи Иисусе Христе, Сыне Божий, молитв ради Пречистой Твоей Матере, преподобных и богоносных отец наших и всех святых, помилуй нас. Аминь.

Слава Тебе, Боже наш, слава Тебе.

Царю Небесный, Утешителю, Душе истины, Иже везде сый и вся исполняй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Святый Боже, Святый Крепкий, Святый Безсмертный, помилуй нас. *(Трижды)*

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. *(Трижды)* Слава, и ныне:

Отче наш, Иже еси на небесех! Да святится имя Твое, да приидет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

*Тропари*

Помилуй нас, Господи, помилуй нас; всякаго бо ответа недоумюще, сию Ти молитву яко Владыце грешнии приносим: помилуй нас.

**Слава:** Господи, помилуй нас, на Тя бо уповахом; не прогневайся на ны зело, ниже помяни беззаконий наших, но призри и ныне яко благоутробен, и избави ны от враг наших; Ты бо еси Бог наш, и мы людие Твои, вси дела руку Твоею, и имя Твое призываем.

**И ныне:** Милосердия двери отверзи нам, благословенная Богородице, надеющихся на Тя да не погибнем, но да избавимся Тобою от бед: Ты бо еси спасение рода христианскаго.

Господи, помилуй. *(12 раз)*

**Молитва 1-я,  
св. Макария Великого,  
к Богу Отцу**

Боже вечный и Царю всякаго создания, сподобивый мя даже в час сей доспети, прости

ми грехи, яже сотворих в сей день делом, словом и помышлением, и очисти, Господи, смиренную мою душу от всякия скверны плоти и духа. И даждь ми, Господи, в нощи сей сон преити в мире, да востав от смиренного ми ложа, благоугожду пресвятому имени Твоему, во вся дни животá моего, и поперу борюция мя враги плотскія и безплотныя. И избави мя, Господи, от помышлений суетных, оскверняющих мя, и похотей лукавых. Яко Твое есть царство и сила и слава, Отца и Сына и Святаго Духа, ныне и присно и во веки веков. Аминь.

*Молитва 2-я, св. Антиоха,  
ко Господу нашему  
Иисусу Христу*

Вседержителю, Слово Отчее, Сам совершен сый, Иисусе Христе, многога ради милосердия Твоего никогдаже отлучайся мене, раба Твоего, но всегда во мне почивай. Иисусе, добрый Пастырю Твоих овец, не предаждь мене крамолѣ змийне, и желанію сатанину не остави мене, яко семя тли во мне есть. Ты убо, Господи Боже покланяемый, Царю Святый, Иисусе Христе, спяща мя сохрани немерцающим светом, Духом Твоим Святым, Имже освятил еси Твоя ученики. Даждь, Господи, и мне, недостойному рабу Твоему,

спасение Твое на ложи моем: просвети ум мой светом разума святаго Евангелия Твоего, душу любовию Креста Твоего, сердце чистою словесѣ Твоего, тело мое Твоею страстию безстрастною, мысль мою Твоим смирением сохрани, и воздвигни мя во время подобно на Твое славословие. Яко препрославлен еси со Безначальным Твоим Отцем и с Пресвятым Духом во веки. Аминь.

*Молитва 3-я,  
ко Пресвятому Духу*

Господи, Царю Небесный, Утѣшителю, Душе истины, умиласердися и помилуй мя грешнаго раба Твоего, и отпусти ми недостойному, и прости вся, елика Ти согреших днесь яко человек, паче же и не яко человек, но и горѣе скота, вольныя моя грехи и невольныя, ведомыя и неведомыя: яже от юности и от науки злы, и яже суть от наглѣства и уныния. Аще именем Твоим кляхся, или похуших е в помышлении моем; или кого укорих; или оклеветалъ кого гневом моим, или опечалих, или о чем прогневахся; или солгалъ, или безгодно спалъ, или нищ прииде ко мне, и презрелъ его; или брата моего опечалих, или свадих, или кого осудих; или развелничалъ, или разгордѣхся, или разгневахся; или стоящу ми на молитве, ум мой о лукавствии

мира сего подвижесе, или развращение помыслих; или объядохся, или опихся, или без ума смеяхся; или лукавое помыслих, или доброту чуждую виде, и тою уязвлен бых сердцем; или неподобная глаголах, или греху брата моего посмеяхся, моя же суть безчисленная согрешения; или о молитве не радих, или ино что содеях лукавое, не помню, та бо вся и больша сих содеях. Помилуй мя, Творче мой Владыко, унылаго и недостойнаго раба Твоего, и остави ми, и отпусти, и прости мя, яко Благ и Человеколюбец, да с миром лягу, усну и почию, блудный, грешный и окаянный аз, и поклонюся, и воспою, и прославлю пречестное имя Твое, со Отцем, и Единородным Его Сыном, ныне и присно, и во веки. Аминь.

*Молитва 4-я,  
св. Макария Великого*

Что Ти принесу, или что Ти воздам, великодаровитый Безсмертный Царю, щедре и человеколюбче Господи, яко ленящаяся мене на Твое угождение, и ничтоже благо сотворша, привел еси на конец мимошедшаго дне сего, обращение и спасение души моей строя? Милостив ми буди грешному и обнаженному всякаго дела блага, возстави падшую мою душу, осквернившуюся в безмерных согрешениях,

и отыми от мене весь помысел лукавый видимаго сего жития. Прости моя согрешения, едина Безгрешна, яже Ти согреших в сей день, ведением и неведением, словом, и делом, и помышлением, и всеми моими чувствами. Ты Сам, покрывая, сохрани мя от всякаго сопротивнаго обстояния Божественною Твоею властью, и неизреченным человеколюбием, и силою. Очисти, Боже, очисти множество грехов моих. Благоволи, Господи, избавити мя от сети лукаваго, и спаси страстную мою душу, и осени мя светом лица Твоего, егда приидеши во славе, и неосужденна ныне спом уснути сотвори, и без мечтания, и несмущен помысл раба Твоего соблюди, и всю сатанину дѣтель отженити от мене, и просвети ми разумныя очи сердечныя, да не усну в смерть. И послѣ ми Ангела мирна, хранителя и наставника души и телу моему, да избавит мя от враг моих; да востав со одра моего, принесу Ти благодарственные мольбы. Ей, Господи, услыши мя грешнаго и убогаго раба Твоего, изволением и совестию; даруй ми воставишу словесем Твоим поучитися, и уныние бесовское далече от мене отгнано быти сотвори Твоими Ангелы; да благословлю имя Твое святое, и прославлю, и славлю Пречистую Богородицу Марию, Юже дал еси нам грешным заступление, и прими

Сию молящуюся за ны; вем бо, яко подражаёт Твое человеколюбие, и молящися не перестаёт. Той заступлением, и Честнаго Креста знамением, и всех святых Твоих ради, убогую душу мою соблюди, Иисусе Христе Боже наш, яко Свят еси, и препрославлен во веки. Аминь.

#### *Молитва 5-я*

Господи Боже наш, еже согреших во дни сем словом, делом и помышлением, яко Благ и Человеколюбец прости ми. Мирен сон и безмятежен даруй ми. Ангела Твоего хранителя послй, покрывающа и соблюдающа мя от всякаго зла, яко Ты еси хранитель душам и телесем нашим, и Тебе славу возсылаем, Отцу и Сыну и Святому Духу, ныне и присно и во веки веков. Аминь.

#### *Молитва 6-я*

Господи Боже наш, в Негоже вероухом, и Егоже имя паче всякаго имене призываем, даждь нам, ко сну отходящим, ослабу душй и телу, и соблюди нас от всякаго мечтания, и темныя сласти кроме; устави стремление страстей, угаси разжжения востания телеснаго. Дажь нам целомудренне пожити дёлы и словесы; да добродетельное жителство восприёмлюще, обетованных не отпадём благих Твоих, яко благословен еси во веки. Аминь.

#### *Молитва 7-я, св. Иоанна Златоуста (24 молитвы, по числу часов дня и ночи)*

<sup>1</sup>Господи, не лиши мене небесных Твоих благ. <sup>2</sup>Господи, избави мя вечных мук. <sup>3</sup>Господи, умом ли или помышлением, словом или делом согреших, прости мя. <sup>4</sup>Господи, избави мя всякаго неведения и забвения, и малодушия, и окаменённаго нечувствия. <sup>5</sup>Господи, избави мя от всякаго искушения. <sup>6</sup>Господи, просвети мое сердце, еже помрачи лукавое похотение. <sup>7</sup>Господи, аз яко человек согреших, Ты же, яко Бог щедр, помилуй мя, видя немощь души моея. <sup>8</sup>Господи, послй благодать Твою в помощь мне, да прославлю имя Твое святое. <sup>9</sup>Господи Иисусе Христе, напиши мя раба Твоего в книзе живётней и даруй ми конец благий. <sup>10</sup>Господи Боже мой, аще и ничтоже благо сотворих пред Тобою, но даждь ми по благодати Твоей положити начало благое. <sup>11</sup>Господи, окропи в сердце моем росу благодати Твоея. <sup>12</sup>Господи небесе и земли, помяни мя грешнаго раба Твоего, студнаго и нечистаго, во Царствии Твоем. Аминь.

<sup>1</sup>Господи, в покаянии приими мя. <sup>2</sup>Господи, не остави мене. <sup>3</sup>Господи, не введи мене в напасть. <sup>4</sup>Господи, даждь ми мысль благоу.



<sup>5</sup>Господи, даждь ми слезы, и память смертную, и умиление. <sup>6</sup>Господи, даждь ми помысл исповедания грехов моих. <sup>7</sup>Господи, даждь ми смирение, целомудрие и послушание. <sup>8</sup>Господи, даждь ми терпение, великодушие и кротость. <sup>9</sup>Господи, всели в мя корень благих, страх Твой в сердце мое. <sup>10</sup>Господи, сподоби мя любить Тя от всей души моея и помышления и творити во всем волю Твою. <sup>11</sup>Господи, покрый мя от человек некоторых, и бесов, и страстей, и от всякия инья неподобныя вещи. <sup>12</sup>Господи, вѣси, яко твориши, якоже Ты волиши, да будет воля Твоя и во мне грешнем, яко благословен еси во веки. Аминь.

*Молитва 8-я,  
ко Господу нашему Иисусу Христу*

Господи Иисусе Христе, Сыне Божий, ради честнѣйшия Матере Твоея, и безплотных Твоих Ангел, Пророка же и Предтечи и Крестителя Твоего, богоглаголивых же апостол, свѣтлых и добропобѣдных мученик, преподобных и богоносных отѣц, и всех святых молитвами, избави мя настоящаго обстояния бесовскаго. Ей, Господи мой и Творче, не хотяй смерти грешнаго, но якоже обратитися и живу быти ему, даждь и мне обращение окаянному и недостойному; изми мя

от уст пагубнаго змия, зияющаго пожрѣти мя и свести во ад жива. Ей, Господи мой, утешение мое, Иже мене ради окаяннаго в тлѣнную плоть оболкйся, исторгни мя от окаянства, и утешение подаждь души моей окаянной. Всади в сердце мое творити Твоя повеления, и оставити лукавая деяния, и получитьи блаженства Твоя: на Тя бо, Господи, уповах, спаси мя.

*Молитва 9-я,  
ко Пресвятой Богородице,  
Петра Студийскаго*

К Тебе Пречистей Божией Матери аз окаянный припадаю молюся: вѣси, Царице, яко безпрестани согрешаю и прогневляю Сына Твоего и Бога моего, и многажды аще каюся, лож пред Богом обретаюся, и каюся трепеща: не ужели Господь поразит мя, и по часѣ паки таяжде творю; ведуши сия, Владычице моя Госпоже Богородице, молю, да помилуеши, да укрепиши, и благая творити да подаси ми. Вѣси бо, Владычице моя Богородице, яко отнюд имам в ненависти злая моя дела, и всею мыслию люблю закон Бога моего; но не вем, Госпоже Пречистая, откуда яже ненавижду, та и люблю, а благая преступаю. Не попускай, Пречистая, воли моей совершатися, не угодна бо есть, но

да будет воля Сына Твоего и Бога моего: да мя спасет, и вразумит, и подаст благодать Святаго Духа, да бых аз отселе престал сквернодѣйства, и прочее пожил бых в повелении Сына Твоего, Ему же подобает всякая слава, честь и держава, со Безначальным Его Отцем, и Пресвятым и Благим и Живо-творящим Его Духом, ныне и присно, и во веки веков, аминь.

*Молитва 10-я,  
ко Пресвятой Богородице*

Благáго Царя благáя Мати, Пречистая и Благословенная Богородице Марие, милость Сына Твоего и Бога нашего излей на страстную мою душу и Твоими молитвами настави мя на деяния благáя, да прочее время живота моего без порока прейдѹ и Тобою рай да обрящу, Богородице Дево, едина Чистая и Благословенная.

*Молитва 11-я,  
ко святому Ангелу хранителю*

Ангеле Христов, хранителю мой святыи и покровителю души и тела моего, вся ми прости, елика согреших во днешний день, и от всякаго лукавствия противнаго ми врага избави мя, да ни в коемже гресѣ прогнѣваю Бога моего; но моли за мя грешнаго и недостойнаго раба, яко да достойна мя покажеши

благодати и милости Всесвятыя Троицы и Матере Господа моего Иисуса Христа и всех святых. Аминь.

*Кондак Богородице*

Взбранной Воеводе победительная, яко избавльшися от злых, благодарственная восписуем Ти раби Твои, Богородице, но яко имущая державу непобедимую, от всяких нас бед свободи, да зовѣм Ти: радуйся, Невѣсто Ченевѣстная.

Преслáвная Приснодѣво, Мати Христа Бога, принеси нашу молитву Сыну Твоему и Богу нашему, да спасет Тобою души наша.

Все уповáние мое на Тя возлагаю, Мати Божия, сохрани мя под кровом Твоим.

Богородице Дево, не презри мене грешнаго, трѣбующа Твоея помощи и Твоего заступления, на Тя бо уповá душа моя, и помилуй мя.

*Молитва св. Иоанникия*

Уповáние мое Отец, прибежище мое Сын, покров мой Дух Святыи: Троице Святая, слава Тебе.

Достойно есть яко воистинну блажити Тя, Богородицу, Присноблаженную и Пренепорочную и Матерь Бога нашего. Честнейшую

Херувим и славнейшую без сравнения Серафим, без ислѣния Бога Слова рождшую, сущую Богородицу Тя величаем.

Слава, и ныне: Господи, помилуй. *(Трижды)*

Господи Иисусе Христѣ, Сыне Божий, молитв ради Пречистыя Твоея Матере, преподобных и богоносных отец наших и всех святых, помилуй нас. Аминь.

**Молитва св. Иоанна Дамаскина,  
которую, показывая на постель  
твою, говори:**

Владыко Человеколюбче, не ужели мне одр сей гроб будет, или еще окаянную мою душу просветиши днем? Се ми гроб предлежит, се ми смерть предстоит. Суда Твоего, Господи, боюся и муки безконечныя, злое же творя не престаю: Тебе Господа Бога моего всегда прогневляю, и Пречистую Твою Матерь, и вся Небесныя силы, и святаго Ангела хранителя моего. Вем убо, Господи, яко недостойн есмь человеколюбия Твоего, но достоин есмь всякаго осуждения и муки. Но, Господи, или хочу, или не хочу, спаси мя. Аще бо праведника спасеши, ничтоже велие; и аще чистаго помилуеши, ничтоже дивно: достойни бо суть милости Твоя. Но на мне грешнем удивь милость Твою: о сем яви человеколюбие Твое, да не одолее моя злоба Твоей

неизглабоанней благодати и милосердию: и якоже хощеши, устрои о мне вещь.

Просвети очи мои, Христе Боже, да не когда усну в смерть, да не когда речет враг мой: укрепихся на него.

**Слава:** Заступник души моя буди, Боже, яко посреде хождѣ сетей многих; избави мя от них и спаси мя, Блаже, яко Человеколюбец.

**И ныне:** Преславную Божию Матерь, и святых Ангел Святейшую, немолчно воспоим сердцем и усты, Богородицу сию неповѣдающе, яко воистину рождшую нам Бога воплощенна, и молящуюся непрестанно о душах наших.

**Знаменуя себя крестом  
и говори молитву  
Честному Кресту:**

Да воскреснет Бог, и расточатся врази Его, и да бежат от лица Его ненавидящии Его. Яко исчезает дым, да исчезнут; яко тает воск от лица огня, тако да погибнут беси от лица любящих Бога и знаменующихся крестным знаменiem, и в веселии глаголющих: радуйся, Пречестный и Животворящий Кресте Господень, прогоняяй бесы силою на тебе пропятаго Господа нашего Иисуса Христа, во ад спешаго и поправшаго силу диаволю,

и даровавшего нам тебе Крест Свой Честный на прогнание всякаго супостата. О, Пречестный и Животворящий Кресте Господень! Помогай ми со Святою Госпожею Девою Богородицею и со всеми святыми во веки. Аминь.

### *Или кратко:*

Огради мя, Господи, силою Честнаго и Животворящаго Твоего Креста, и сохрани мя от всякаго зла.

### *Молитва*

Ослаби, остави, прости, Боже, прегрешения наша, вольная и невольная, яже в слове и в деле, яже в ведении и не в ведении, яже во дни и в ночи, яже во уме и в помышлении: вся нам прости, яко Благ и Человеколюбец.

### *Молитва*

Ненавидящих и обидящих нас прости, Господи Человеколюбче. Благотворящим благосотвори. Братням и сродником нашим даруй яже ко спасению прошения и жизнь вечную. В немощех сущия посети и исцеление даруй. Иже на мори управл. Путешествующим спутешествуй. Служащим и милующим нас грехов оставление даруй. Заповедавших нас недостойным молиться о них помилуй

по велицей Твоей милости. Помяни, Господи, прежде усопших отец и братий наших и упокой их, идеже присещает свет лица Твоего. Помяни, Господи, братий наших плененных и избави я от всякаго обстояния. Помяни, Господи, плодоносящих и доброделяющих во святых Твоих церквах, и даждь им яже ко спасению прошения и жизнь вечную. Помяни, Господи, и нас, смиренных и грешных и недостойных раб Твоих, и просвети наш ум светом разума Твоего, и настави нас на стезю заповедей Твоих, молитвами Пречистыя Владычицы нашея Богородицы и Приснодевы Марии и всех Твоих святых: яко благословен еси во веки веков. Аминь.

### *Исповедание грехов повседневное*

Исповедаю Тебе Господу Богу моему и Творцу, во Святѣй Троице Единому, славимому и покланяемому, Отцу, и Сыну, и Святому Духу, вся моя грехи, яже содеях во вся дни живота моего, и на всякий час, и в настоящее время, и в прешедшии дни и ночи, делом, словом, помышлением, объядением, пиянством, тайноядением, празднословием, унынием, лѣнностью, прекословием, непослушанием, оклеветанием, осуждением, небрежением, самолюбием, многостязанием, хищением, неправдоглаголаньем, скверно-

прибытчеством, мшелоимством, ревнованием, завистию, гневом, памятозлобием, ненавистию, лихоимством и всеми моими чувствами: зрением, слухом, обонянием, вкусом, осязанием и прочими моими грехи, душевными вкупе и телесными, ѿмиже Тебе Бога моего и Творца прогневах, и ближняго моего онеправдовах: о сих жалея, винна себе Тебе Богу моему представляю, и имею волю каяться: точию, Господи Боже мой, помози ми, со слезами смиренно молю Тя: прешедшая же согрешения моя милосердием Твоим прости ми, и разреши от всех сих, яже изглаголах пред Тобою, яко Благ и Человеколюбец.

*Когда отходишь ко сну,  
произноси:*

В руке Твои, Господи Иисусе Христе, Боже мой, предаю дух мой: Ты же мя благослови, Ты мя помилуй и живот вечный даруй ми. Аминь.

## КАНОНЫ



**Покаянный ко Господу  
нашему Иисусу Христу,  
молебный ко Пресвятой Богородице  
и Ангелу хранителю**

### Песнь 1

*Ирмос:* Яко по сѹху пешешествовав Израиль, по бездне стопами, гонителя фараона видя потопляема, Богу побѣдную песнь поим, вошяше.

### Господу Иисусу Христу

*Привѣ:* Помилуй мя, Боже, помилуй мя.

Ныне приступих аз грешный и обремененный к Тебе, Владыце и Богу моему; не смею же взира́ти на небо, токмо молюся, глаголя: даждь ми, Господи, ум, да плачуся дел моих горько.

Помилуй мя, Боже, помилуй мя.

О, горе мне грешному! Паче всех человек окаяннен есмь, покаяния несть во мне; даждь ми, Господи, слезы, да плачуся дел моих горько.

Помилуй мя, Боже, помилуй мя.

Безумне, окаянне человече, в лености время губиши; помысли житие твое, и обра-

тися ко Господу Богу, и плачися о делѣх твоих горько.

*Прпев:* Пресвятая Богородице, спаси нас.

*Богородичен:* Мати Божия Пречистая, воззри на мя грешнаго, и от сети дияволи избави мя, и на путь покаяння настави мя, да плачуся дел моих горько.

### *Пресвятой Богородице*

Пресвятая Богородице, спаси нас.

Многими содержишь напастьми, к Тебе прибегаю, спасения искый: о, Мати Слова и Дѣво, от тяжких и лютых мя спаси.

Пресвятая Богородице, спаси нас.

Страстей мя смущают прилози, многаго уныния исполнити мою душу; умири, Отроковице, тишиною Сына и Бога Твоего, Всенепорочная.

Пресвятая Богородице, спаси нас.

Спаса рождшую Тя и Бога, молю, Дѣво, избавитися ми лютых: к Тебе бо ныне прибегая, простираю и душу и помышление.

Пресвятая Богородице, спаси нас.

Недугующа телом и душею, посещения Божественнаго и промышления от Тебе сподоби, единая Богомати, яко благая, Благая же Родительница.

### *Ангелу хранителю*

*Иисусу:* Господи Иисусе Христе Боже мой, помилуй мя.

Песнь воспети и восхвалити, Спасе, Твоего раба достойно сподоби, безплотному Ангелу, наставнику и хранителю моему.

*Прпев:* Святей Ангеле Божий, хранителю мой, моли Бога о мне.

Един аз в неразумии и в лености ныне лежю, наставниче мой и хранителю, не остави мене погибающа.

*Слава:* Ум мой твоєю молитвою направи, творити ми Божия повеления, да получу от Бога отдание грехов, и ненавидети ми злых настави мя, молюся ти.

*И ныне:* Молися, Девице, о мне, рабе Твоем, ко Благодателю, со хранителем моим Ангелом, и настави мя творити заповеди Сына Твоего и Творца моего.

### *Песнь 3*

*Ирмос:* Несть свят, якоже Ты, Господи Боже мой, вознесый рог верных Твоих, Блаже, и утвердивый нас на камени исповѣдания Твоего.

### *Господу Иисусу Христу*

Помилуй мя, Боже, помилуй мя.

Внегда поставлены будут престолы на судищи Страшнем, тогда всех человек дела обличатся; горе тамо будет грешным, в муку



отсылаемым; и то ведущи, душе моя, покаяйся от злых дел твоих.

Помилуй мя, Боже, помилуй мя.

Праведницы возрадуются, а грешнии восплачутся, тогда никтоже возможет помощи нам, но дела наша осудят нас; темже прежде конца покаяйся от злых дел твоих.

Помилуй мя, Боже, помилуй мя.

Увы мне великогрешному, иже дела и мыслями осквернився, ни капли слез имею от жестокосердия; ныне возникни от земли, душе моя, и покаяйся от злых дел твоих.

Пресвятая Богородице, спаси нас.

*Богородичен:* Се, взывает, Госпоже, Сын Твой, и поучает нас на доброе, аз же грешный добра всегда бегаю; но Ты, Милостивая, помилуй мя, да покаюсь от злых моих дел.

### *Пресвятой Богородице*

Пресвятая Богородице, спаси нас.

Предстательство и покров жизни моя полагаю Тя, Богородительнице Дево: Ты мя окорми ко пристанищу Твоему, благих виновна, верных утверждение, едина Всепетая.

Пресвятая Богородице, спаси нас.

Моло, Дево, душевное смущение и печали моя бурю разорити: Ты бо, Богоневестная, начальника тишины Христа родила еси, едина Пречистая.

Пресвятая Богородице, спаси нас.

Благодетеля рождши добрых виновного, благодетения богатство всем источи, вся бо можеш, яко сильного в крепости Христа рождши, Богоблаженная.

Пресвятая Богородице, спаси нас.

Лютыми недуги и болезненными страстьми истязаему, Дево, Ты ми помози: исцелений бо неоскудное Тя знаю сокровище, Пренепорочная, неизживаемое.

### *Ангелу хранителю*

Святой Ангеле Божий, хранителю мой, моли Бога о мне.

Все помышление мое и душу мою к тебе возложих, хранителю мой; ты от всякия мя напасти вражия избави.

Святой Ангеле Божий, хранителю мой, моли Бога о мне.

Враг попирает мя, и озлобляет, и поучает всегда творити своя хотения; но ты, наставниче мой, не остави мене погибающа.

*Слава:* Пети песнь со благодарением и усердием Творцу и Богу даждь ми, и тебе, благому Ангелу хранителю моему: избавителю мой, изми мя от враг озлобляющих мя.

*И ныне:* Исцели, Пречистая, моя многонедужныя струны, яже в души, прожени враги, иже присно борются со мною.

Господи, помилуй. (Трижды)

### *Кондак Господу Иисусу Христу*

Душѣ моя, почто грѣхѣми богатѣеши, почто вѣлоу дѣавѣлю творѣши, в чѣсѣм надѣжду полагаѣши? Престѣни от сих и обрати ся к Богу с плачем, зовущи: милосѣрде Господи, помилуй мя грѣшнаго.

### *Икос Господу Иисусу Христу*

Помысли, душе моя, горький час смерти и страшный суд Творца твоего и Бога: Ангели бо грѣзнии поймают тя, душе, и в вѣчный огнь введут: убо прежде смерти покайся, вопиюще: Господи, помилуй мя грѣшнаго.

### *Кондак Ангелу хранителю*

Явѣся мнѣ милосѣрд, святыи Ангеле Господень, хранителю мой, и не отлучайся от менѣ сквернаго, но просвети мя свѣтом неприкосновенным и сотвори мя достойна Царствия Небеснаго.

### *Икос Ангелу хранителю*

Уничженную душу мою многими соблазны, ты, святыи предстателю, неизреченныя славы небесныя сподоби, и певец с лики безплотных сил Божиих, помилуй мя и сохрани, и помысли добрыми душу мою просвети, да твоєю славою, Ангеле мой, обогащуся, и низложу зломыслящих мне врагѣ, и сотвори мя достойна Царствия Небеснаго.

### *Седален Господу Иисусу Христу*

Помышляю день страшный и плачуся деяний моих лукавых: како отвещаю Безсмертному Царю, или коим дерзновением воззрю на Судию, блудный аз? Благоутробный Отче, Сыне Единородный и Душе Святыи, помилуй мя.

### *Слава:*

### *Седален Ангелу хранителю*

От любви душевныя вопию ти, хранителю моея души, всесвятый мой Ангеле: покрый мя и соблюди от лукаваго ловления всегда, и к жизни настави небесней, вразумляя и просвещая и укрепляя мя.

### *И ныне:*

### *Богородичен*

Богородице безневѣстная Пречистая, Яже без семени рождши всех Владыку, Того со Ангелом хранителем моим моли, избавити ми ся всякаго недоумения, и дати умиление и свет души моея и согрешением очищение, Яже едина вскоре заступающи.

### *Песнь 4*

*Ирмос:* Христос моя сила, Бог и Господь, честная Церковь боголѣпно поет, зывающе от смысла чиста, о Господѣ празднующи.

### *Господу Иисусу Христу*

Помилуй мя, Боже, помилуй мя.

Широк путь zde и уго́дный сласти творити, но горько будет в последний день, егда́ душа от тела разлуча́тися будет: блюди́ся от сих, челове́че, Царствія ра́ди Божія.

Помилуй мя, Боже, помилуй мя.

Почто́ убо́гаго обидиши, мзду наёмни́чу уде́ржуеши, брата твоего не лю́биши, блуд и гордо́сть го́ниши? Остави́ убо́ сия, ду́ше моя, и пока́йся Царствія ра́ди Божія.

Помилуй мя, Боже, помилуй мя.

О безумный челове́че, доко́ле углеба́еши, я́ко пче́ла, собира́ющи бога́тство твое? Вскоре́ бо поги́бнет, я́ко прах и пепе́л: но боле́е взыщи́ Царствія Божія.

Пресвята́я Богороди́це, спаси́ нас.

*Богороди́чен:* Госпо́жѣ Богороди́це, поми́луй мя грешна́го, и в добродетели укрепи́, и соблюди́ мя, да нагла́я сме́рть не похити́т мя негото́ваго, и доведи́ мя, Де́во, Царствія Божія.

### *Пресвятой Богородице*

Пресвята́я Богороди́це, спаси́ нас.

Страстей моих смущение, ко́рмчию ро́ждшая Господа, и бурю утиши́ моих прегреше́ний, Богоневѣ́стная.

Пресвята́я Богороди́це, спаси́ нас.

Милосердія Твоего́ бездну́ призыва́ющу пода́ждь ми, Я́же Благо́серда́го ро́ждшая и Спа́са всех, пою́щих Тя.

Пресвята́я Богороди́це, спаси́ нас.

Наслажда́ющесе́, Пречиста́я, Твоих да́рований, благода́рственное воспе́ваем пение, ве́дуще Тя, Богома́терь.

Пресвята́я Богороди́це, спаси́ нас.

На одре́ боле́зни мое́я и немо́щи низле́жащю ми, я́ко Боголю́бива, помози́, Богороди́це, едина́ Присноде́во.

Пресвята́я Богороди́це, спаси́ нас.

Наде́жду и утвер́ждение и спасе́ния стѣну́ недви́жиму иму́ще Тя, Всепе́тая, неудобства́ всяка́го избавля́емся.

### *Ангелу хранителю*

Святы́й Ангеле́ Божій, храните́лю мой, моли́ Бога́ о́ мне.

Моли́ Чело́веколю́бца́ Бога́ ты, храните́лю мой, и не оста́ви мене́, но присно́ в мире́ житі́е мое́ соблюди́ и пода́ждь ми спасе́ние неодо́лимое.

Святы́й Ангеле́ Божій, храните́лю мой, моли́ Бога́ о́ мне.

Я́ко заступни́ка и храните́ля живо́ту моему́ прие́м тя от Бога́, Ангеле́, молю́ тя, святы́й, от вся́ких мя́ бед свобо́ди.

**Слава:** Мою сквѣрность твоєю святѣиною очисти, хранителю мой, и от части шѹия да отлучѣн буду молитвами твоими и причасти́ник славы явлю́ся.

**И ныне:** Недоумѣние предлежит ми от обышѣдших мя зол, Пречистая, но избави мя от них скоро: к Тебе бо еди́ней прибе́гох.

### Песнь 5

**Ирмос:** Божіим светом Твоим, Бла́же, у́тренюющих Ти души любви́ю озари, молю́ся, Ты ве́дети, Сло́ве Божій, исти́ннаго Бога, от мрака грехо́внаго взыва́ющая.

### Господу Иисусу Христу

Помилуй мя, Боже, помилуй мя.

Вспомяни́, окаянный челове́че, ка́ко лжам, клеветам, разбо́ю, нѣмощем, лютым зверем, грехо́в ради порабо́щен еси́; душе моя грешная, того ли восхотѣла еси́?

Помилуй мя, Боже, помилуй мя.

Трепещут ми уди́, всеми бо сотвори́х вину: очѣма взира́й, ушѣма слы́шай, язы́ком злая глаго́лай, всего себе ге́енне преда́й; душе́ моя грешная, сего ли восхотела еси́?

Помилуй мя, Боже, помилуй мя.

Блудника́ и разбойника каю́щаяся прия́л еси́, Спасе, аз же един лѣностию греховно́ю отягчѣхся и злым делом порабо́тихся; душе́ моя грешная, сего́ ли восхотела еси́?

Пресвятая Богородице, спаси нас.

**Богороди́чен:** Дивная и скорая помощнице всем челове́ком, Ма́ти Божия, помози́ мне недостойно́му, душа́ бо моя грешная того восхотѣ́.

### Пресвятой Богородице

Пресвятая Богородице, спаси нас.

Исполни́, Чистая, веселія́ сердце мое, Твою́ нетле́нную даю́щи радость, веселія́ ро́ждшая вино́внаго.

Пресвятая Богородице, спаси нас.

Изба́ви нас от бед, Богородице чистая, вечное ро́ждши избавле́ние, и мир, вся́к ум преимущи́й.

Пресвятая Богородице, спаси нас.

Разреши́ мглу́ прегрешений моих, Богоневѣсто, просвеще́нием Твоея́ светлости, Свет ро́ждшая Божественный и превѣ́чный.

Пресвятая Богородице, спаси нас.

Испели́, Чистая, души́ моея́ немо́же́ние, посеще́ния Твоего́ сподо́бльшая, и здравіе молитвами Твоими́ пода́ждь ми.

### Ангелу хранителю

Святы́й Ангеле́ Божій, хранителю́ мой, моли́ Бога о́ мне.

Яко́ имѣя дерзнове́ние к Богу, хранителю́ мой святы́й, Сего́ умоли́ от оскорбля́ющих мя зол изба́вити.

Святый Ангеле Божий, хранителю мой, моли Бога о мне.

Свете светлый, светло просвети душу мою, наставниче мой и хранителю, от Бога данный ми Ангеле.

**Слава:** Спяща мя зле тяготюю греховною, яко бдяща сохрани, Ангеле Божий, и возстави мя на славословіе молѣнием твоим.

**И ныне:** Маріе, Госпожѣ Богородице безневѣстная, надѣждо верных, вражия возношения низложи, поющия же Тя возвесели.

### **Песнь 6**

**Ирмос:** Житейское море, воздвизаемое зря напастей бурею, к тихому пристанищу Твоему притѣк, воию Ти: возведи от тли живот мой, Многомилостиве.

### **Господу Иисусу Христу**

Помилуй мя, Боже, помилуй мя.

Житіе на земли блудно пожих и дѹшу во тьму предѣх, ныне ўбо молю Тя, Милостивый Владыко: свободи мя от работы сея вражия, и даждь ми разум творити волю Твою.

Помилуй мя, Боже, помилуй мя.

Кто творит таковая, якоже аз? Якоже бо свиния лежит в калѹ, тако и аз грехѹ служѹ. Но Ты, Господи, исторгни мя от гнѹса сего и даждь ми сердце творити заповеди Твоя.

Помилуй мя, Боже, помилуй мя.

Восприни, окайнный человѣче, к Богу, воспомянув своя согрешения, припадая ко

Творцу, слезя и стѣнѣ; Той же, яко милосерд, даст ти ум знати волю Свою.

Пресвятая Богородице, спаси нас.

**Богородицен:** Богородице Дѣво, от видимаго и невидимаго зла сохрани мя, Пречистая, и приими молитвы моя, и донеси я Сыну Твоему, да даст ми ум творити волю Его.

### **Пресвятой Богородице**

Пресвятая Богородице, спаси нас.

Смерти и тли яко спасл есть, Сам Ся издав смерти, тлением и смертию мое естество ято бывшее, Дѣво, моли Господа и Сына Твоего, врагов злодѣйствія мя избавити.

Пресвятая Богородице, спаси нас.

Предстательницу Тя живота вем и хранительницу твѣрду, Дѣво, и напастей решащу молвы, и налѣги бесов отгоняющую; и молюся всегда, от тли страстей моих избавити мя.

Пресвятая Богородице, спаси нас.

Яко стену прибежища стяжахом, и душ всесовершенное спасение, и пространство в скорбех, Отроковице, и просвещением Твоим присно радуемся: о Владычице, и ныне нас от страстей и бед спаси.

Пресвятая Богородице, спаси нас.

На одрѣ ныне немощствуй лежу, и несть исцеления плоти моей: но, Бога и Спаса миру и Избавителя недугов рождающая, Тебе молюся, Благой: от тли недуг возстави мя.

### *Ангелу хранителю*

Святѣй Ангеле Божїй, хранителю мой, моли Бога о мнѣ.

Всяких мя напастей свободи, и от печалей спаси, молюся ти, святѣй Ангеле, даннѣй ми от Бога, хранителю мой добрый.

Святѣй Ангеле Божїй, хранителю мой, моли Бога о мнѣ.

Освети ум мой, блаже, и просвети мя, молюся ти, святѣй Ангеле, и мыслити ми полезная всегда настави мя.

**Слава:** Устави сердце мое от настоящаго мятежа, и бдѣти укрепи мя во благих, хранителю мой, и настави мя чудно к тишинѣ животно́й.

**И ныне:** Слово Божіе в Тя вселіся, Богородице, и человеком Тя показá небесную лѣствицу; Тобою бо к нам Вышній сошелъ есть.

Господи, помилуй (*трижды*). Слава, и ныне.

### *Песнь 7*

**Ирмос:** Росодательну убо пещь содела Ангел пренподобным отрокомъ, халдеи же оналяющее везение Божіе, мучителя увещá воштіи: благословенъ еси, Боже отецъ нашихъ.

### *Господу Иисусу Христу*

Помилуй мя, Боже, помилуй мя.

Не надѣйся, душѣ моя, на тлѣнное богатство и на неправедное собраніе, вся бо сія не вѣси кому оставиши, но возопій: помилуй мя, Христе Боже, недостойнаго.

Помилуй мя, Боже, помилуй мя.

Не уповай, душе моя, на телесное здравіе и на скоромимоходѣющую красоту, видѣши бо, яко сѣльнии и младѣи умираютъ; но возопій: помилуй мя, Христе Боже, недостойнаго.

Помилуй мя, Боже, помилуй мя.

Воспомяни, душе моя, вечное житіе, Царство Небесное, уготованное святымъ, и тьму кромешную и гнев Божїй злымъ, и возопій: помилуй мя, Христе Боже, недостойнаго.

Пресвятая Богородице, спаси насъ.

**Богородице:** Припадѣи, душѣ моя, к Божїей Матери и помолися Той, есть бо скорая помощница кающимся, умолит Сына Христа Бога, и помилует мя недостойнаго.

### *Пресвятой Богородице*

Пресвятая Богородице, спаси насъ.

Наше спасение якоже восхотѣлъ еси, Спасе, устроити, во утробу Дѣвыя вселился еси, Юже миру предстательницу показал еси: отецъ нашихъ Боже, благословенъ еси.

Пресвятая Богородице, спаси насъ.



Волителя милости, Егѡже родила еси, Мати Чистая, умоли избавитися от прегрешений и душевных скверн верою зовущим: отец наших Боже, благословен еси.

Пресвятая Богородице, спаси нас.

Сокровище спасения и Источник нетления, Ты рождшую, и столп утверждения, и дверь покаяния, зовущим показал еси: отец наших Боже, благословен еси.

Пресвятая Богородице, спаси нас.

Телесныя слабости и душевныя недуги, Богородительнице, любовию приступающих к крову Твоему, Дево, исцелити сподоби, Спаса Христа нам рождшая.

### *Ангелу хранителю*

Святый Ангеле Божий, хранителю мой, моли Бога о мне.

Милостив буди ми и умоли Бога, Господень Ангеле, имею бо тя заступника во всем животѣ моем, наставника же и хранителя, от Бога дарованнаго ми во веки.

Святый Ангеле Божий, хранителю мой, моли Бога о мне.

Не остави в путь шествующия души моея окайныя убити разбойником, святый Ангеле, яже ти от Бога предана бысть непорочно; но настави ю на путь покаяния.

**Слава:** Всю посрамлену душу мою привожу от лукавых ми помысл и дел: но предва-

ри, наставниче мой, и исцеление ми подаждь благими помыслы, уклоняти ми ся всегда на правыя стези.

**И ныне:** Премудрости исполни всех и крепости Божественныя, Ипостасная Премудросте Вышняго, Богородицы ради, верою вопиющих: отец наших Боже, благословен еси.

### *Песнь 8*

**Ирмос:** Из пламене пренеподобным росу источил еси и праведнаго жертву водою попиал еси: вся бо творииши, Христе, токмо еже хотети. Ты превозносим во вся веки.

### *Господу Иисусу Христу*

Помилуй мя, Боже, помилуй мя.

Како не имам плакаться, егда помышляю смерть, видех бо во гробе лежаща брата моего, безславна и безобразна? Что убочаю, и на что надеюся? Токмо даждь ми, Господи, прежде конца покаяние. *(Дважды)*

Помилуй мя, Боже, помилуй мя.

Верую, яко приидеши судити живых и мертвых, и вси во своем чину станут, стари и млади, владыки и князи, девы и священницы; где обряцуся аз? Сего ради вопию: даждь ми, Господи, прежде конца покаяние.

Пресвятая Богородице, спаси нас.

*Богородицен:* Пречистая Богородице, приими недостойную молитву мою, и сохрани меня от наглыя смерти, и даруй ми прежде конца покаяние.

### *Пресвятой Богородице*

Пресвятая Богородице, спаси нас.

Помощи яже от Тебе требующия не презри, Дево, поющия и превозносящия Тя во веки.

Пресвятая Богородице, спаси нас.

Неможение души моея исцеляеши и телесныя болезни, Дево, да Тя прославлю, Чистая, во веки.

Пресвятая Богородице, спаси нас.

Исцелений богатство изливаеши верно поющим Тя, Дево, и превозносящим неизреченное Твое рождество.

Пресвятая Богородице, спаси нас.

Напастей Ты прилоги отгоняеши и страстей находы, Дево: темже Тя поем во вся веки.

### *Ангелу хранителю*

Святый Ангеле Божий, хранителю мой, моли Бога о мне.

От Бога посланный, утверди живот мой, раба твоего, преблагий Ангеле, и не остави мене во веки.

Святый Ангеле Божий, хранителю мой, моли Бога о мне.

Ангела тя суща блага, души моея наставника и хранителя, преблаженне, воспеваю во веки.

*Слава:* Буди ми покров и забрало в день испытания всех человек, воньже огнем искушаются дела благая же и злая.

*И ныне:* Буди ми помощница и тишина, Богородице Приснодево, рабу Твоему, и не остави мене лишена быти Твоего владычества.

### *Песнь 9*

*Ирмос:* Бога человеком невозможно видети, на Негоже не смѣют чины Ангельстии взирати; Тобою же, Всечистая, явися человеком Слово Воплощенно, Егоже величающе, с небесными вопи Тя ублажаем.

### *Господу Иисусу Христу*

Помилуй мя, Боже, помилуй мя.

Ныне к вам прибегаю, Ангели, Архангели и вся небесныя силы, у Престола Божия стоящии, молитесь ко Творцу своему, да избавит душу мою от муки вечныя.

Помилуй мя, Боже, помилуй мя.

Ныне плачуся к вам, святѣи патриарси, цари и пророцы, апостоли и святители и вси избраннии Христовы: помозите ми на судѣ, да спасет душу мою от силы вражня.

Помилуй мя, Боже, помилуй мя.

Ныне к вам воздежу рӯце, святїи мученицы, пустынницы, девственницы, праведницы и вси святїи, молящїися ко Господу за весь мир, да помилует мя в час смерти моея.

Пресвятая Богородице, спаси нас.

**Богородицен:** Мати Божия, помози ми, на Тя сильне надеющемуся, умоли Сына Своего, да поставит мя недостойнаго одесную Себе, егда сядет судий живых и мертвых. Аминь.

### *Пресвятой Богородице*

Пресвятая Богородице, спаси нас.

Тока слез моих не отврати́ся, Яже от всякаго лица всяку слезу отъемшаго, Дево, Христа рожда́ная.

Пресвятая Богородице, спаси нас.

Радости мое сердце исполни, Дево, Яже радости приѣмшая исполне́ние, греховную печаль потребля́ющи.

Пресвятая Богородице, спаси нас.

Приста́нище и предста́тельство к Тебе прибега́ющих бу́ди, Дево, и стена неруши́мая, прибе́жище же и покрóв и веселие.

Пресвятая Богородице, спаси нас.

Света Твоего заря́ми просвети, Дево, мрак неведения отгоня́ющи, благоверно Богороди́цу Тя исповеда́ющих.

Пресвятая Богородице, спаси нас.

На месте озлобления немощи смири́вшагося, Де́во, исцели, из нездра́вия во здра́вие претворя́ющи.

### *Ангелу хранителю*

**Иисусу:** Господи Иисусе Христэ, Боже мой, помилуй мя.

Помилуй мя, еди́не Спасе мой, я́ко милостив еси́ и милосерд, и праведных ли́ков сотвори мя прича́тника.

Святы́й Ангеле Божий, хранителю́ мой, моли Бога о́ мне.

Мы́слити ми при́сно и твори́ти, Госпо́день Ангеле, бла́гая и по́лезная да́руй, я́ко си́льна я́ви в немощи́ и непоро́чна.

**Слава:** Я́ко имея дерзнове́ние к Царю́ Небесному́, Того́ моли́, с прочими́ безплóтными, поми́ловати мя ока́йннаго.

**И ны́не:** Много дерзнове́ние иму́щи, Дево, к Вопло́щшемуся из Тебе́, преложи́ мя от уз и разреше́ние ми пода́ждь и спасе́ние, моли́твами Твоими́.

### *Молитва ко Господу нашему Иисусу Христу*

Влады́ко Христэ́ Боже, И́же страстьми́ Своими́ стра́сти моя́ исцели́вый и я́звами Своими́ я́звы моя́ уврачева́вый, да́руй мне, мно́го Тебе́ прегреш́ившему́, слезы́ уми́ле́ния;

срастворі моему телу от обоняннѣ Живо-  
творящаго Тѣла Твоего, и наслади дѹшу мою  
Твоею Честною Кровію от горести, єюже  
мя сопротивникъ напои; возвыси мой умъ къ  
Тебе, долу поникшій, и возведи от пропасти  
погибелѣ: яко не ѣмамъ покаяннѣ, не ѣмамъ  
умилѣннѣ, не ѣмамъ слезы утѣшительныя,  
возводящія чада ко своему наслѣдїю. Овра-  
чѣхся умомъ в житейскихъ страстѣхъ, не могу  
возрѣти къ Тебѣ в болѣзни, не могу согрѣтисѣ  
слезами, ꙗже къ Тебѣ любвѣ. Но, Владыко  
Господи Иисусе Христе, сокровище благѣхъ,  
даруй мнѣ покаяннѣ всецѣлое и сердце любо-  
трудное во взысканнѣ Твое, даруй мнѣ бла-  
годать Твою и обнови во мнѣ зраки Твоего  
образа. Оставихъ Тя, не остави мене; изыди  
на взысканнѣ мое, возведи къ пажити Твоей  
и сопричти мя овцамъ избраннаго Твоего  
стада, воспитаи мя с ними от злака Божест-  
венныхъ Твоихъ Таинствъ, молитвами Пре-  
чистыя Твоея Матере и всехъ святыхъ Твоихъ.  
Аминь.

### *Молитва ко Пресвятой Богородице*

Царице моя преблагая, надеждо моя  
Богородице, приятелице сирыхъ и странныхъ  
предстательнице, скорбящихъ радости, оби-  
димыхъ покровительнице! Зриши мою беду,  
зриши мою скорбь, помози ми яко немощну,

окорми мя яко странна. Обиду мою веси,  
разрешѣ ту, яко волиши: яко не ѣмамъ нѣныя  
помощи развѣ Тебѣ, ни нѣныя предстатель-  
ницы, ни благія утѣшительницы, токмо  
Тебѣ, о Богоматри, яко да сохраниши мя и  
покрыеши во веки вековъ. Аминь.

### *Молитва Ангелу хранителю*

О святѣй Ангеле, хранителю и покрови-  
телю мой благѣй! С сокрушеннымъ сердцемъ  
и болѣзненною дѹшею предстою ти, моляся:  
услыши мя грѣшнаго раба своего (*имя рек*),  
с воплемъ крепкимъ и плачемъ горькимъ вопию-  
щаго; не помяни моихъ беззаконнѣй и неправдъ,  
ѣмниже азъ окаянный прогневаю тя по вся  
дни и часы, и мѣрзостна себѣ творю предъ  
Создателемъ нашимъ Господемъ; явися мнѣ мило-  
сѣрд и не отлучайся мене сквернаго даже до  
кончины моея; возбуди мя от сна грѣховнаго  
и пособствуй твоими молитвами прочее время  
живота моего безъ порока преѣйти и сотворити  
плоды достойны покаяннѣ, ꙗчеже от смерт-  
ныхъ падений грѣховныхъ соблюди мя, да не  
погибну во отчаяннѣи и да не порадуетсѣ врагъ  
о погибелѣ моей. Вемъ воистину и усты исповѣ-  
дую, яко никтоже такъоу другъ и предстатель,  
защѣтитель и поборникъ, ꙗкоже ты, святѣй  
Ангеле: предстоѣѣ бо Престолу Господню,  
молишисѣ о мнѣ непотребномъ и ꙗчеже всехъ  
грѣшнѣйшемъ, да не изыметъ Преблагѣй дѹши

моея в день нечаяния моего и в день творения злобы. Не престай убо умиловляя премилосердаго Господа и Бога моего, да отпустит согрешения моя, яже сотворих во всем житии моем, делом, словом и всеми моими чувствами, и имиже весть судьбами, да спасет мя; да накажет мя zde по Своей неизреченней милости, но да не обличит и не истязает мя онамо по Своему нелицеприятному правосудию; да сподобит мя покаяние принести, с покаянием же Божественное Причащение достойно прияти, о сем паче молю и такового дара всеусердно желаю. В страшный же час смерти, неотступен буди ми, благий хранителю мой, прогоняя мрачныя демоны, имущия устрашити претрепетную душу мою; защити мя от тех ловления, егда имам преходити воздушная мытарства, да храним тобою, безбедно достигну райя ми вождельнаго, идеже лица святых и горних сил непрестанно восхваляют всечестное и великоленое имя в Троице славимаго Бога, Отца, и Сына, и Святаго Духа, Ему же подobaет честь и поклонение во веки веков. Аминь.

## ПОСЛЕДОВАНИЕ



### КО СВЯТОМУ ПРИЧАЩЕНИЮ

Желающий причаститься должен достойно приготовиться к Святому Таинству. Приготовление (оно называется говением) продолжается несколько дней. Телу предписывается воздержание, то есть телесная чистота и ограничение в пище (пост). В дни поста исключается пища животного происхождения: мясо, молоко, яйца и, при строгом посте, рыба. Хлеб, овощи, фрукты употребляются в умеренном количестве. Ум не должен рассеиваться по мелочам житейским и развлекаться.

В дни говения надлежит посещать богослужение в храме, если позволяют обстоятельства, и более прилежно выполнять домашнее молитвенное правило: кто читает обычно не все утренние и вечерние молитвы, пусть читает все полностью, кто не читает каноны, пусть в эти дни читает хотя бы по одному канону. Накануне причащения надо быть на вечернем богослужении и прочитать дома, кроме обычных молитв на сон грядущим, канон покаянный, канон Богородице и Ангелу хранителю.

Читается также канон ко причащению и, кто пожелает, акафист Иисусу Сладчайшему. После полуночи уже не едят и не пьют, ибо принято приступать к Таинству Причащения натощак. Утром прочитываются утренние молитвы и все последование ко Святому Причащению, кроме канона, прочитанного накануне.

Перед причащением необходима исповедь - вечером ли, или утром, перед литургией.

Молитвами святых отец наших, Господи Иисусе Христе Боже наш, помилуй нас. Аминь.

Царю Небесный... Трисвятое. Пресвятая Троице... Отче наш... (стр. 4-5). Господи, помилуй (12 раз). Приидите, поклонимся... (стр. 6)(трижды). И псалмы:

### Псалом 22

Господь пасёт мя, и ничто́же мя лишит. На месте зла́чне, та́мо всели мя, на водё покойне воспита́ мя. Душу мою обрати́, настави мя на стези́ правды, имене ради Своего. Аще бо и пойду́ посреде́ сени́ сме́ртныя, не убоюся зла, яко Ты со мною еси́, жезл Твой и па́лици Твоя, та мя утёшиста. Угото́вал еси́ предо мною трапёзу сопро́тив стужа́ющим мне, ума́стил еси́ е́леем главу́ мою, и ча́ша Твоя упоява́ющи мя, яко держа́вна. И милость Твоя поженёт мя вся дни живота́ моего, и е́же вселити ми ся в дом Господе́нь, в долготу́ дний.

### Псалом 23

Госпо́дня земля, и исполнение ея́, вселенная и вси живу́щии на ней. Той на морях основа́л ю́ есть, и на река́х угото́вал ю́ есть. Кто взы́дет на го́ру Госпо́дню? Или́ кто стане́т на месте святе́м Его́? Неповинен рука́ма и

чист се́рдцем, и́же не при́ят все́е ду́шу свою́, и не кля́тся ле́стною искренне́му своему́. Сей при́имет благослове́ние от Господа́, и ми́лостивно́ от Бога́, Спа́са своего́. Сей род и́щущих Господа́, и́щущих ли́це́ Бога́ Иа́ковля. Возми́те врата́ кня́зи ваша́, и возми́теся врата́ вечная́, и вни́дет Ца́рь сла́вы. Кто е́сть сей Ца́рь сла́вы? Госпо́дь крепок и силен, Госпо́дь силен в брани. Возми́те врата́ кня́зи ваша́, и возми́теся врата́ вечная́, и вни́дет Ца́рь сла́вы. Кто е́сть сей Ца́рь сла́вы? Госпо́дь сил, Той е́сть Ца́рь сла́вы.

### Псалом 115

Ве́ровах, те́мже возглаго́лах, аз же смири́хся зело́. Аз же рех во изступле́нии моем: всяк человек ложь. Что воздам Госпо́деви о́ всех, я́же воздаде ми? Чашу спасения прииму́ и имя́ Госпо́дне призову́, молитвы́ моя́ Госпо́деви воздам пред всеми́ лю́дьми Его́. Че́стна́ пред Госпо́дем сме́рть преподо́бных Его́. О, Господи́, аз раб Твой, аз раб Твой и сын рабыни Твоея́; растерзал еси́ у́зы моя́. Тебе́ пожру́ жертву хва́лы, и во имя́ Госпо́дне призову́. Молитвы́ моя́ Госпо́деви воздам пред всеми́ лю́дьми Его́, во дво́рех дому́ Госпо́дня, посреде́ тебе́, Иерусали́ме.

*Слава, и ныне:* Аллилуиа (трижды). И три поклона.



*Тропари, глас 8-й*

Беззаконія моя прѣзри, Господи, от Девы рождѣйся, и сердце мое очисти, храм то творя пречистому Твоему Телу и Крови, ниже отрини мене от Твоего лица, без числа имейи велию милость.

**Слава:** Во причастіе святѣи Твоих како дерзну [вниду], недостойный? Аще бо дерзну к Тебе приступити съ достойными, хитон мя облѣчает, яко несть вечерній, и осужденіе исходатайствую многогрѣшной души моеи. Очисти, Господи, скверну души моея, и спаси мя, яко Человеколюбецъ.

**И ныне:** Многая множества моих, Богородице, прегрѣшеній, к Тебе прибегохъ, Чистая, спасенія требую: посети немощствующую мою душу, и моли Сына Твоего и Бога нашего, дати ми оставленіе, яже содѣяхъ лютыхъ, Едина благословенная.

**[ Во святую же Четырдесятницу: ]**

Егда славнии ученицы на умовеніи вечера просвѣщахуся, тогда Иуда злочестивый сребролюбиемъ недѣловавъ омрачашеся, и беззаконнымъ судіямъ Тебе праведнаго Судію предастъ. Визждь, именій рачителю, сихъ ради угавленіе употребивша: бежи несбытыя души, Учителю таковая дерзнувшия. Иже о всехъ благій Господи, слава Тебе. ]

*Псалом 50: Помилуй мя, Боже... (стр. 6).***Канон, глас 2-й***Песнь 1*

**Ирмос:** Грядѣте, людие, поимъ пѣснь Христу Богу, раздѣльшему море, и наставлявшему люди, яже изведе изъ работы египетския, яко прославиися.

**Прпев:** Сердце чисто созиди во мнѣ, Боже, и духъ правъ обнови во утробѣ моеи.

Хлебъ живота вѣчнующаго да будетъ ми Тѣло Твое Святое, благоутробіе Господи, и Честная Кровь, и недѣтъ многообразныхъ исцеленіе.

**Прпев:** Не отвержи мене отъ лица Твоего, и Духа Твоего Святаго не отыми отъ мене.

Оскверненъ дѣлы безмѣстными окаянный, Твоего Пречистаго Тѣла и Божественныя Крови недостойнъ есмь, Христе, причащенія, сегоже мя сподоби.

**Прпев:** Пресвятая Богородице, спаси насъ.

**Богородице:** Землѣ благая, благословенная Богоневѣсто, класъ прозябшая неоранный и спасительный миру, сподоби мя сей ядуща спастися.

*Песнь 3*

**Ирмос:** На камени веры утвердивъ, разшири еси уста моя на враги моя. Возвесели бо ся духъ мой, внигда пѣти: несть святъ, якоже Богъ нашъ, и несть праведенъ паче Тебе, Господи.

Сердце чисто созижди во мне, Боже, и дух прав обнови во утробе моей.

Слезныя ми подаждь, Христе, капли, скверну сердца моего очищающия: яко да благою совестию очищен, верою прихожду и страхом, Владыко, ко причащению Божественных даров Твоих.

Не отвержи мене от лица Твоего, и Духа Твоего Святого не отыми от мене.

Во оставление да будет ми прегрешений Пречистое Тело Твое, и Божественная Кровь, Духа же Святого общение, и в жизнь вечную, Человеколюбче, и страстей и скорбей отчужждение.

Пресвятая Богородице, спаси нас.

*Богородицен:* Хлеба животного Трапéза Пресвятая, свыше милости ради спешного, и мiрови новый живот дающего, и мене ныне сподоби недостойного, со страхом вкусити сего, и живу быти.

#### Песнь 4

*Ирмос:* Пришёл еси от Девы, не ходатай, ни Ангел, но Сам, Господи, воплощся, и спас еси всего мя человека. Тем зову Ти: слава силе Твоей, Господи.

Сердце чисто созижди во мне, Боже, и дух прав обнови во утробе моей.

Восхотел еси, нас ради воплощся, Многомилостиве, заклан быти яко овча, грех ради человеческих: темже молю Тя, и моя очисти согрешения.

Не отвержи мене от лица Твоего, и Духа Твоего Святого не отыми от мене.

Исцели души моей язвы, Господи, и всего освяти: и сподоби, Владыко, яко да причащуся тайныя Твоея Божественныя вёчери, окаянный.

Пресвятая Богородице, спаси нас.

*Богородицен:* Умилостиви и мне Суцаго от утробы Твоея, Владычице, и соблюди мя нескверна раба Твоего и непорочна, яко да прием умнаго бисера, освящуся.

#### Песнь 5

*Ирмос:* Света подателю и веков Творче, Господи, во свете Твоих повелений настави нас: разве бо Тебе иного бога не знаем.

Сердце чисто созижди во мне, Боже, и дух прав обнови во утробе моей.

Якоже предрёкл еси, Христе, да будет убо худому рабу Твоему, и во мне пребуди, якоже обещался еси: се бо Тело Твое ям Божественное, и пию Кровь Твою.

Не отвержи мене от лица Твоего, и Духа Твоего Святого не отыми от мене.

Слове Божий и Боже, уголь Тела Твоего да будет мне помраченному в просвещение, и очищение оскверненной души моей Кровь Твоя.

Пресвятая Богородице, спаси нас.

*Богородицен:* Марие, Мати Божия, благоухания честное селение, Твоими молитвами

сосуд мя избранный соделай, яко да освященный причащуся Сына Твоего.

### Песнь 6

*Ирмос:* В бездне греховней валяся, неизследную милосердия Твоего призываю бездну: от тли, Боже, мя возведи.

Сердце чисто созижди во мне, Боже, и дух прав обнови во утробе моей.

Ум, душу и сердце освяти, Спасе, и тело мое, и сподоби неосуждённо, Владыко, к страшным Тайнам приступить.

Не отвержи мене от лица Твоего, и Духа Твоего Святого не отыми от мене.

Да бых устранился от страстей, и Твоя благодати имел бы приложение, живота же утверждение, причащением Святых, Христе, Таин Твоих.

Пресвятая Богородице, спаси нас.

*Богородице:* Боже, Боже, Слово Святое, всего мя освяти, ныне приходящаго к Божественным Твоим Тайнам, Святыя Матере Твоя молюбамн.

### Кондак, глас 2-й

Хлеб, Христе, взяти не презри мя, Тело Твое, и Божественную Твою ныне Кровь, пречистых, Владыко, и страшных Твоих Таин причаститися окаяннаго, да не будет ми в суд, да будет же ми в живот вечный и безсмертный.

### Песнь 7

*Ирмос:* Телу златому премудрыя дети не послуживша, и в пламень сами поидоша, и боги их обругаша, среди пламене возопиша, и ороси я Ангел: улынася уже уст ваших молитва.

Сердце чисто созижди во мне, Боже, и дух прав обнови во утробе моей.

Источник благих, причащение, Христе, безсмертных Твоих ныне Таинств да будет ми свет, и живот, и безстрастие, и к пресвятому же и умножению добродетели Божественнейшия ходатайственю, едине Блаже, яко да славлю Тя.

Не отвержи мене от лица Твоего, и Духа Твоего Святого не отыми от мене.

Да избавлюся от страстей, и врагов, и нужды, и всякия скорби, трепетом и любовию со благоговением, Человеколюбче, приступаю ныне к Твоим безсмертным и Божественным Тайнам, и пети Тебе сподоби: благословен еси, Господи, Боже отец наших.

Пресвятая Богородице, спаси нас.

*Богородице:* Спаса Христа рождная паче ума, Богоблагодатная, молю Тя ныне, раб Твой, Чистую нечистый: хотящаго мя ныне к пречистым Тайнам приступить, очисти всего от скверны плоти и духа.

### Песнь 8

*Ирмос:* В пещь огненную ко отроком еврейским снисшедшаго, и пламень в росу предложнаго

Бога, пойте дела яко Господа, и превозносите во вся веки.

Сердце чисто созижди во мне, Боже, и дух прав обнови во утробе моей.

Небесных, и страшных, и святых Твоих, Христе, ныне Таин, и Божественный Твоя и тайная вечери общника быти и мене сподоби отчаянного, Боже Спасе мой.

Не отвержи мене от лица Твоего, и Духа Твоего Святого не отыми от мене.

Под Твое прибегае благоутробие, Блаже, со страхом зову Ти: во мне пребуди, Спасе, и аз, якоже река еси, в Тебе; се бо дерзая на милость Твою, ям Тело Твое, и пию Кровь Твою.

*Прпев:* Пресвятая Троице, Боже наш, слава Тебе.

*Троицен:* Троице, приеми огонь, да не опалюся яко воск и яко трава; оле страшного таинства! оле благоутробия Божия! Како Божественного Тела и Крове брение причащаюся, и нетленен сотворюся?

### Песнь 9

*Прмос:* Безначальна Родителя Сын, Бог и Господь, воплощен от Девы нам явися, омраченная просвети, собрати расточенная: тем всепетую Богородицу величаем.

Сердце чисто созижди во мне, Боже, и дух прав обнови во утробе моей.

Христос есть, вкусите и видите: Господь нас ради, по нам бо древле бывый, единою

Себе принес, яко приношение Отцу Своему, присно закалается, освящаяй причащающихся.

Не отвержи мене от лица Твоего, и Духа Твоего Святого не отыми от мене.

Душею и телом да освящуся, Владыко, да просвещуся, да спасуся, да буду дом Твой причащением священных Таин, живущаго Тя имея в себе со Отцем и Духом, Благодетелю Многомилостиве.

Воздаждь ми радость спасения Твоего и Духом Владычним утверди мя.

Якоже огонь да будет ми, и яко свет, Тело Твое и Кровь, Спасе мой, пречестная, оналяя греховное вещество, сжигая же страстей терние, и всего мя просвещая, поклонятися Божеству Твоему.

Пресвятая Богородице, спаси нас.

*Богородичен:* Бог воплотися от чистых кровей Твоих; темже всякий род поет Тя, Владычице, умная же множества славят, яко Тобою яже узреша всеми Владычествующаго, осуществовавшагося человечеством.

Достойно есть... Трисвятое. Пресвятая Троице... Отче наш... *Тропарь дня или праздника. Если неделя, тропарь воскресный по гласу. Если же нет, настоящие тропари, глас 6-й:*

Помилуй нас, Господи, помилуй нас; всякаго бо ответа недоумеюще, сию Ти молитву,

яко Владыце, грешнии приносим: помилуй нас.

**Слава:** Господи, помилуй нас, на Тя бо уповахом; не прогневайся на ны зело, ниже помяни беззаконний наших, но призри и ныне яко благоутробен, и избави ны от враг наших. Ты бо еси Бог наш, и мы люди Твои, вси дела рук Твоих, и имя Твое призываем.

**И ныне:** Милосердия двери отверзи нам, благословенная Богородице, надеющиеся на Тя да не погибнем, но да избавимся Тобою от бед: Ты бо еси спасение рода христианского.

Господи, помилуй (40). *И поклоны, сколько хочешь.*

### **И стихи:**

Хотя ясти, человече, Тело Владычне,  
Страхом приступи, да не опалишься:  
огнь бо есть.

Божественную же пия Кровь ко общению,  
Первое примирился ты опечалившим.  
Таже дерзая, таинственное брашно яждь.

Прежде причастия страшныя жертвы,  
Животворящаго Тела Владычня,  
Сим помолися образом со трепетом:

### **Молитва св. Василия Великого, 1-я**

Владыко Господи Иисусе Христе, Боже наш, источник жизни и бессмертия, вся

твари видимыя и невидимыя Содетелю, безначального Отца соприносущный Сыне и собезначальный, премногия ради благодати в последние дни в плоть оболкийся, и распныйся, и погребыйся за ны неблагодарныя и злонравныя, и Твоею кровию обновивый растлевшее грехом естество наше, Сам, Бессмертный Царю, прими и мое грешного покаяние, и приклони ухо Твое мне, и услыши молитвы моя. Согреших бо, Господи, согреших на небо и пред Тобою, и не смею достоин воззрети на высоту славы Твоея: прогневах бо Твою благодать, Твоя заповеди преступив, и не послушав Твоих повелений. Но Ты, Господи, незлобив сый, долготерпелив же и многомилостив, не предади еси мя погибнути со беззаконными моими, моего всячески ожидающа обращения. Ты бо рекл еси, Человеколюбче, пророком Твоим: яко хотением не хочу смерти грешника, но еже обратитися и живу быти ему. Не хочещи бо, Владыко, создания Твоею рукою погубити, ниже благоволиши о погибели человечествей, но хочещи всем спастися, и в разум истины прийти. Темже и аз, аще и недостоин есмь небесе и земли, и сея привременныя жизни, всего себе повинув греху, и сластою поработив, и Твой осквернив образ; но творение и создание Твое быв, не отчаяваю своего спасения

окаянный, на Твое же безмерное благоутробие дерзая, прихожду. Приими убо и мене, Человеколюбче Господи, якоже блудницу, яко разбойника, яко мытаря и яко блудного, и возьми мое тяжкое бремя грехов, грех вземлий мира, и немощи человеческия исцеляяй, труждающияся и обремененныя к Себе призываяй и упокоеваяй, не пришедый призвати праведныя, но грешныя на покаяние. И очисти мя от всякия скверны плоти и духа, и научи мя совершати святыню во страхе Твоем: яко да чистым сведением совести моея, святынь Твоих часть приемля, соединюся святому Телу Твоему и Крови, и имею Тебе во мне живуща и пребывающа, со Отцем, и Святым Твоим Духом. Ей, Господи Иисусе Христе, Боже мой, и да не в суд ми будет причастие пречистых и животворящих Таин Твоих, ниже да немощен буду душею же и телом, от еже недостойне тем причащаться, но даждь ми, даже до конечного моего издыхания, неосужденно восприимати часть святынь Твоих, в Духа Святаго общение, в папугие живота вечнаго, и во благоприятен ответ на страшнем судищи Твоем: яко да и аз со всеми избранными Твоими общник буду нетленных Твоих благ, яже уготовал еси любящим Тя, Господи, в нихже препрославлен еси во веки. Аминь.

*Молитва  
св. Иоанна Златоустого, 2-я*

Господи Боже мой, вем, яко несмы достоин, ниже доволен, да под кров внидеши храма души моея, занеже весь пуст и пался есть, и не имаши во мне места достойна, еже главу подклонити; но якоже с высоты нас ради смирил еси Себе, смирился и ныне смирению моему; и якоже восприял еси в вертене и в яслех безсловесных возлецы, сие восприими и в яслех безсловесныя моя души, и во оскверненное мое тело внити. И якоже не неудобостойл еси внити, и свечерити со грешники в дому Симона прокаженного, тако изволи внити и в дом смиренныя моя души, прокаженный и грешный; и якоже не отринул еси подобную мне блудницу и грешную, пришедшую и прикоснувшуюся Тебе, сие умилился и о мне грешнем, приходящем и прикасающем Ти ся; и якоже не возгнушался еси скверных ея уст и нечистых, целующих Тя, ниже моих возгнущая скверных бных уст и нечистых, ниже мерзких моих и нечистых устен, и сквернаго и нечистейшаго моего языка. Но да будет ми угоден пресвятаго Твоего Тела, и честныя Твоея Крове, во освящение и просвещение и здравие смиренней моей души и телу, во облегчение тяжестей многих моих согрешений, в соблюдение от всякаго диавольскаго



дѣйства, во отгнаніе и возбраненіе злаго моего и лукаваго обычая, во умерщвление страстей, в снабденіе заповѣдей Твоих, в приложеніе Божественныя Твоея благодати, и Твоего Царствія присвоеніе. Не бо яко презираѣй прихожду к Тебе, Христе Боже, но яко дерзая на неизреченную Твою благодать, и да не на мно́зе удаляѣйся общенія Твоего, от мысленнаго вѣлка звероуловленъ буду. Темже молюся Тебе: яко единъ сый Свят, Владыко, освяти мою душу и тело, ум и сердце, чрево и утробы, и всего мя обнови, и вкорени страх Твой во уdesѣх моих, и освященіе Твое неотъемлемо от мене сотвори; и буди ми помощник и заступник, окормляя в мире живот мой, сподобляя мя и одесную Тебе предстояннѣ со святыми Твоими, молитвами и моленьми Пречистыя Твоея Матере, невестственныхъ Твоихъ служителей и пречистыхъ силъ, и всехъ святыхъ, от века Тебе благоугождившихъ. Аминь.

### *Молитва*

#### *св. Симеона Метафраста, 3-я*

Едине чистый и нетленный Господи, за неизреченную милость человеколюбия наше все восприимый смещение, от чистыхъ и девственныхъ кровей наше естества Рождшия Тя, Духа Божественнаго нашею благодатью, и благоволеніемъ Отца присносущнаго, Христе Иисусе,

премудросте Божия, и мире, и сило; Твоимъ восприятіемъ животворящая и спасительная страданія восприимый, крестъ, гвоздя, копіе, смерть, умертви моя душотлѣнныя страсти телесныя. Погребеніемъ Твоимъ адова пленивый царствія, погребѣ моя благими помыслы лукавая советованія, и лукавствія дѣхъ разори. Трдневнымъ Твоимъ и живоноснымъ воскресеніемъ падшаго праотца возставивый, возстави мя грехомъ попѣлзшагося, образы мне покаянія предлагаая. Преславнымъ Твоимъ вознесеніемъ плотское обоживый восприятіе, и сіе деснымъ Отца седеніемъ почтій, сподоби мя причастиемъ святыхъ Твоихъ Таинъ десную часть спасаемыхъ получитьи. Спѣтисемъ Утѣшителя Твоего Духа сосуды честины священные Твоя ученики соделавый, приятельнице и мене покажи Того пришествія. Хотяи пакѣ приити судити вселенней правдою, благоволи и мене устрѣсти Тя на облацехъ, Судню и Создателя моего, со всеми святыми Твоими: да безконечно славословлю и воспеваю Тя, со безначальнымъ Твоимъ Отцемъ, и Пресвятымъ и Благимъ и Животворящимъ Твоимъ Духомъ, ныне и присно, и во веки вековъ. Аминь.

### *Молитва*

#### *св. Иоанна Дамаскина, 4-я*

Владыко Господи Иисусе Христе, Боже нашъ, едине имѣяй власть человекомъ оставляти



грехи, яко благ и Человеколюбец прѣзри моя вся в веденіи и не в веденіи прегрешения, и сподоби мя неосуждённо причастітися Божественных, и преславных, и пречистых, и животворящих Твоих Таин, не в тяжесть, ни в мѹку, ни в приложение грехов, но во очищение, и освящение, и обручение будущаго живота и царствія, в стѹпу и помощь, и в возражение сопротивных, во истребление многих моих согрешений. Ты бо еси Бог милости, и щедрот, и человеколюбия, и Тебе славу возсылаем, со Отцем, и Святым Духом, ныне и присно, и во веки веков. Аминь.

### *Молитва*

#### *св. Василия Великого, 5-я*

Вем, Господи, яко недостойне причащаюся пречистаго Твоего Тѣла и честнаго Твоея Крѹве, и повинен есмь, и суд себе ям и пью, не разсуждая Тѣла и Крѹве Тебе Христа и Бога моего, но на щедроты Твоя дерзая прихождѹ к Тебе рѣкшему: ядый Мою плоть, и пійий Мою кровь, во Мне пребывает, и Аз в нем. Умилосердися убо, Господи, и не обличй мя грешнаго, но сотвори со мною по милости Твоей; и да будут ми святая сия во исцеление, и очищение, и просвещение, и сохранение, и спасение, и во освящение души и тѣла; во отгнание всякаго мечтания,

и лукаваго деянія, и дѣйства диавольскаго, мысленне во уdesѣх моих дѣйствуемаго, в дерзновение и любовь, яже к Тебе; во исправление житія и утверждение, в возвращение добродетели и совершенства; во исполнение заповѣдей, в Духа Святаго общение, в напутіе живота вечнаго, во ответ благодарен на страшнем судищи Твоем: не в суд или во осуждение.

### *Молитва*

#### *св. Симеона Нового Богослова, 6-я*

От скверных устѣн, от мерзкаго сердца, от нечистаго языка, от души осквернены, приими моление, Христе мой, и не прѣзри моих ни словес, ниже образѹв, ниже безстыдїя. Дажь ми дерзновенно глаголати, яже хощѹ, Христе мой, паче же и научи мя, что ми подобает творити и глаголати. Согрѣших паче блудницы, яже увѣде, где обитаети, мїро купивши, прииде дерзостіе помазати Твои позе, Бога моего, Владыки и Христа моего. Якоже ону не отригнул еси пришедшую от сердца, ниже мене возгнушайся, Слово: Твои же ми подаждь позе, и держати и целовати, и струями слезными, яко многоценным миром, сия дерзостно помазати. Омйй мя слезами моими, очисти мя ими, Слово. Остави и прегрешения моя, и прощение ми подаждь. Веси зол множество, веси и стрѹпы

моя, и язвы зриши моя, но и веру веси, и произволение зриши, и воздыхание слышиши. Не таится Тебе, Боже мой, Творче мой, Избавителю мой, ниже капля слезная, ниже капли часть некая. Несоделанное мое видесте очи Твои, в книзе же Твоей и еще несодеянная написана Тебе суть. Виждь смирение мое, виждь труд мой елик, и грехи вся остави ми, Боже всяческих: да чистым сердцем, притрепетною мыслию, и душею сокрушенною, нескверных Твоих причащуся и пресвятых Таин, имиже оживляется и обожается всяк ядый же и пийй чистым сердцем; Ты бо рекл еси, Владыко мой: всяк ядый Мою Плоть, и пийй Мою Кровь, во Мне убо сей пребывает, в немже и Аз есмь. Истинно слово всяко Владыки и Бога моего: божественных бо причащаяйся и боготворящих благодатей, не убо есмь един, но с Тобою, Христе мой, Светом трисолнечным, просвещающим мир. Да убо не един пребуду кроме Тебе Живодаваца, дыхания моего, живота моего, радования моего, спасения миру. Сего ради к Тебе приступих, якоже зриши, со слезами, и душею сокрушенною, избавления моих прегрешений прощу прияти ми, и Твоих живодательных и непорочных Таинств причаститися неосужденно, да пребудеши, якоже рекл еси, со мною треокайным: да не кроме обрёт

мя Твоя благодати, прелестник восхитит мя ластивне, и прельстив отведёт боготворящих Твоих словес. Сего ради к Тебе припадаю, и тёпле вопию Ти: якоже блуднаго приял еси, и блудницу пришедшую, тако прими мя блуднаго и сквернаго, Щедре. Душею сокрушенною, ныне бо к Тебе приходя, вем, Спасе, яко иный, якоже аз, не прегрешил Тебе, ниже содея деяния, яже аз содеях. Но сие паки вем, яко не величество прегрешений, ни грехов множество превосходит Бога моего многое долготерпение и человеколюбие крайнее; но милостию сострастия тёпле кающихся, и чистиши, и светлиши, и света твориши причастники, общники Божества Твоего соделоваей независтно, и странное и Ангелом, и человеческим мыслем, беседуеши им многажды, якоже другом Твоим истинным. Сия дерзостна творят мя, сия вперяют мя, Христе мой. И дерзая Твоим богатым к нам благодеянием, радуясь вкупе и трепеща, огнёви причащаюся трава сый, и странно чудо, орошаемь неопально, якоже убо купина древле неопальне горящи. Ныне благодарною мыслию, благодарным же сердцем, благодарными удесы моими, души и тела моего, покланяюся и величаю, и славословлю Тя, Боже мой, яко благословенна суща, ныне же и во веки.

*Молитва**св. Иоанна Златоустого, 7-я*

Боже, ослаби, остави, прости ми согрешения моя, елика Ти согреших, аще словом, аще делом, аще помышлением, волею или неволею, разумом или неразумием, вся ми прости яко благ и Человеколюбец, и молитвами Пречистыя Твоея Матере, умных Твоих служителей и святых сил, и всех святых, от века Тебе благоугодивших, неосужденно благоволи прияти ми святое и пречистое Твое Тело и честную Кровь, во исцеление души же и тела, и во очищение лукавых моих помышлений. Яко Твое есть царство и сила и слава, со Отцем и Святым Духом, ныне и присно, и во веки веков. Аминь.

*Его же, 8-я*

Несмы доволен, Владыко Господи, да внидеши под кров души моя; но понеже хощеши Ты, яко Человеколюбец, жити во мне, дерзая приступаю; повелеваеши, да отверзу двери, яже Ты един создал еси, и внидеши со человеколюбием якоже еси, внидеши и просвещаети помраченный мой помысл. Верую, яко сие сотвориши: не бо блудницу, со слезами пришедшую к Тебе, отгнал еси; ниже мытаря отвергл еси покаявшася; ниже разбойника, познавша Царство Твое, отгнал еси;

ниже гонителя покаявшася оставил еси, еже бо: по от покаяния Тебе пришедшия вся, в лице Твоих друзей вчини еси, Един сый благословенный всегда, ныне и в безконечныя веки. Аминь.

*Его же, 9-я*

Господи Иисусе Христе, Боже мой, ослаби, остави, очисти и прости ми грешному, и испотребному, и недостойному рабу Твоему прегрешения, и согрешения, и грехонадеяния моя, елика Ти от юности моя, даже до настоящего дне и часа согреших: аще в разуме и в неразумии, аще в словесех или делех, или помышлениях и мыселех, и начинаниях, и всех моих чувствах. И молитвами безсеменно рождия Тя, Пречистыя и Приснодевы Марии, Матере Твоея, единыя непостыдныя надежды и предстательства и спасения моего, сподоби мя неосужденно причаститися пречистых, бессмертных, животворящих и страшных Твоих Таинств, во оставление грехов и в жизнь вечную: во освящение, и просвещение, крепость, исцеление, и здравие души же и тела, и в потребление и всесовершенное погубление лукавых моих помыслов, и помышлений, и предприятий, и пощных мечтаний, темных и лукавых духов; яко Твое есть царство, и сила, и слава, и честь,

и поклонение, со Отцем и Святым Твоим Духом, ныне и присно, и во веки веков. Аминь.

### *Молитва*

*св. Иоанна Дамаскина, 10-я*

Пред двѣрьми храма Твоего предстою, и лютых помышлений не отступаю; но Ты, Христе Боже, мытаря оправдѣвый, и хананею помиловавый, и разбойнику рай двери отворѣвый, отверзи ми утробы человеколюбия Твоего, и приими мя приходѣща и прикасающаяся Тебе, яко блудницу, и кровоточивую: ова убо края ризы Твоя коснувшись, удѣль исцеление прият, ова же пречѣстѣи Твои поже удержавши, разрешение грехов понесѣ. Аз же, окаянный, все Твое Тѣло дерзая восприяти, да не опален буду; но приими мя, якоже оныя, и просвети моя душевныя чувства, пополая моя греховныя вины, молитвами безсеменно Рождшия Тя, и небесных сил; яко благословен еси во веки веков. Аминь.

### *Молитва*

*св. Иоанна Златоустого*

Верую, Господи, и исповѣдую, яко Ты еси воистинну Христос, Сын Бога живаго, пришедый в мир грѣшныя спасти, от нихже первый есмь аз. Еще верую, яко сие есть самое пречистое Тѣло Твое, и сия есть самая

честная Кровь Твоя. Молюся убо Тебе: помилуй мя, и прости ми прегрѣшения моя, вольная и невольная, яже словом, яже делом, яже ведением и неведением, и сподоби мя несомнѣнно причаститься пречистых Твоих Таинствъ, во оставление грехов, и в жизнь вечную. Аминь.

*Приходя же причаститься,  
произноси мысленно эти стихи  
св. Симеона Метафраста:*

Се приступаю к Божественному

Причащению.

Содѣтелю, да не опадѣши мя приобщеніем:  
Огнь бо еси, недостойныя пополаяй.

Но убо очисти мя от всякия скверны.

### *Затѣм:*

Вѣчерѣ Твоея тайныя днесъ, Сыне Божий, причастника мя приими; не бо врагом Твоим тайну повѣм, ни лобзанія Ти дам, яко Иуда, но яко разбойник исповедаю Тя: помяни мя, Господи, во Царствѣи Твоем.

### *И стихи:*

Боготворящую Кровь ужаснѣя, челове́че,  
зря:

Огнь бо есть, недостойныя пополаяй.

Божественное Тѣло и обожает мя и питает:  
Обожает дух, ум же питает странно.

*Потом тропари:*

Усладил мя еси любовию, Христе, и изменил мя еси Божественным Твоим рачением; но попалі огнем невестественным грехи моя, и насытитися еже в Тебе наслаждения сподоби: да ликуя возвеличаю, Блаже, два пришествия Твоя.

Во свѣтлостех Святых Твоих како вниду, недостойный? Аще бо дерзну совнѣти в чертог, одежда моя обличает, яко несть брачна, и связан извержен буду от Ангелов. Очисти, Господи, скверну души моея, и спаси мя, яко Человеколюбец.

*Также молитву:*

Владыко Человеколюбче, Господи Иисусе Христе Боже мой, да не в суд ми будут Святая сия, за еже недостойну ми быти: но во очищение и освящение души же и тела, и во обручение будущия жизни и царствия. Мне же, еже прилеплятися Богу, благо есть, полагати во Господе упование спасения моего.

*И еще:*

Вечери Твоея тайныя днесь, Сыне Божий, причастника мя прими; не бо врагом Твоим тайну повѣм, ни лобзания Ти дам, яко Иуда, но яко разбойник исповедаю Тя: помяни мя, Господи, во Царствии Твоем.

## БЛАГОДАРСТВЕННЫЕ МОЛИТВЫ



## ПО СВЯТОМ ПРИЧАЩЕНИИ

Слава Тебе, Боже. Слава Тебе, Боже. Слава Тебе, Боже.

*Благодарственная молитва, 1-я*

Благодарю Тя, Господи Боже мой, яко не отринул мя еси грешнаго, но общника ми быти святынь Твоих сподобил еси. Благодарю Тя, яко мене недостойнаго причаститися пречистых Твоих и небесных Даров сподобил еси. Но Владыко Человеколюбче, нас ради умерый же и воскресый, и даровавый нам страшная сия и животворящая Таинства, во благодеяние и освящение душ и телес наших, даждь быти сим и мне во исцеление души же и тела, во отгнание всякаго сопротивнаго, в просвещение очию сердца моего, в мир душевных моих сил, в веру непостыдну, в любовь нелицемерну, во исполнение премудрости, в соблюдение заповедей Твоих, в приложение Божественныя Твоея благодати, и Твоего Царствия присвоение: да во святыни Твоей теми сохраняю, Твою благодать поминаю всегда, и не ктому себе живу,

но Тебе нашему Владыце и благодетелю; и тако сего жития изиде о надежди живота вечнаго, в присносущный достигну покой, идеже празднующих глас непрестанный, и безконечная сладость, зрящих Твоего лица доброту неизреченную. Ты бо еси истинное желание, и неизреченное веселие любящих Тя, Христе Боже наш, и Тя поет вся тварь во веки. Аминь.

### *Молитва*

#### *св. Василия Великого, 2-я*

Владыко Христе Боже, Царю веков и Содетелю всех, благодарю Тя о всех, яже ми еси подал благих, и о причащении пречистых и животворящих Твоих Таинств. Молю убо Тя, Блаже и Человеколюбче: сохрани мя под кровом Твоим, и в сени крилу Твоею; и даруй ми чистою совестию, даже до последнего моего издыхания, достойно причащаться святынь Твоих, во оставление грехов и в жизнь вечную. Ты бо еси хлеб животный, источник святыни, Податель благих, и Тебе славу возсылаем, со Отцем и Святым Духом, ныне и присно, и во веки веков. Аминь.

### *Молитва*

#### *св. Симеона Метафраста, 3-я*

Давый пищу мне плоть Твою волею, огонь сый и опаляяй недостойныя, да не опалиши

мене, Содетелю мой; паче же пройди во уды моя, во вся составы, во утробу, в сердце. Попаши терние всех моих прегрешений. Душу очисти, освяти помышления. Составы утверди с костьюм вкупе. Чувств просвети простую пятерицу. Всего мя спригвозди страху Твоему. Присно покрый, соблюди же, и сохрани мя от всякаго дела и слова душещеленнаго. Очисти, и омой, и украси мя, удобри, вразуми, и просвети мя. Покажи ми Твое селение единого Духа, и не ктому селение греха. Да яко Твоего дому, входом причащения, яко огня мене бежит всяк злодей, всяка страсть. Молитвенники Тебе приношу вся святыя, чиноначалия же безплотных, Предтечу Твоего, премудрыя апостолы, к сим же Твою нескверную чистую Матерь, ихже мольбы, Благоутробне, прими, Христе мой, и сыном света содей Твоего служителя. Ты бо Един еси освящение наших, Блаже, душ и светлость; и Тебе лепоподобно, яко Богу и Владыце, славу вси возсылаем на всяк день.

### *Молитва 4-я*

Тело Твое святое, Господи Иисусе Христе Боже наш, да будет ми в живот вечный, и Кровь Твоя честная во оставление грехов: буди же ми благодарение сие в радость,



здравие и веселие; в странное же и второе пришествие Твое сподоби мя грешнаго стати одесную славы Твоея, молитвами Пречистыя Твоея Матере, и всех святых.

*Молитва 5-я,  
ко Пресвятой Богородице*

Пресвятая Владычице Богородице, свете помраченныя моя души, надеждо, покрове, прибежище, утешение, радование мое, благодарю Тя яко сподобила мя еси, недостойнаго, причастника быти пречистаго Тела и честныя Крове Сына Твоего. Но рождающая истинный Свет, просвети моя умныя очи сердца; Яже источник безсмертия рождающая, оживотвори мя умерщвленнаго грехом; Яже милостиваго Бога любоблагоутробная Мати, помилуй мя, и даждь ми умиление, и сокрушение в сердце моем, и смирение в мыселех моих, и воззвание в пленениих помышлений моих; и сподоби мя, до последнего издыхания, неосужденно приимати пречистых Таин освящение, во исцеление души же и тела. И подаждь ми слезы покаяния и исповедания, во еже пети и славити Тя во вся дни живота моего, яко благословенна и препрославлена еси во веки. Аминь.

ныне отпускаеши раба Твоего, Владыко, по глаголу Твоему с миром: яко видеста очи мои спасение Твое, еже еси уготовал пред лицом всех людей, свет во откровение языков и славу людей Твоих Израиля.

Трисвятое. Пресвятая Троице... Отче наш...

*Тропарь  
св. Иоанну Златоустому,  
глас 8-й*

Уст твоих, якоже светлость огня, возсиявши благодать, вселенную просвети; не сребролюбия мiрови сокровища сниска, высоту нам смиренномудрия показá, но твоими словесы наказуя, отче Иоанне Златоусте, моли Слова Христа Бога спастися душам нашим.

*Кондак, глас 6-й*

*Слава:* От небес приял еси Божественную благодать, и твоими устнами вся учииши поклоняться в Троице Единому Богу, Иоанне Златоусте всеблаженне, преподобне, достойно хвалим тя: еси бо наставник, яко божественная являя.

*И ныне:* Предстательство христиан непостыдное, ходатайство ко Творцу непреложное, не презри грешных молений гласы, но предvari, яко Благая, на помощь нас, верно



зовущих Ти: ускори на молитву, и потщися на умоление, предстательствующи присно, Богородице, чтущих Тя.

*Если совершалась литургия  
св. Василия Великого,  
читай тропарь  
св. Василию Великому, глас 1-й*

Во всю землю изыде вещание твое, яко при-  
емную слово твое, имже боголѣпно научил  
еси, естество сущих уяснил еси, человѣческия  
обычаи украсил еси, църское священіе, ѡтче  
преподобне, моли Христа Бога, спастися  
душам нашим.

*Кондак, глас 4-й*

*Слава:* Явился еси основаніе непоколеби-  
мое църкве, подаѣ всем некрадомое господ-  
ство человѣком, запечатлѣл твоими велѣньми,  
небожественне Василіе преподобне.

*И ныне:* Предстательство христиан...

*Если совершалась литургия  
Преждеосвященных Даров,  
читай тропарь  
св. Григорию Двоеслову,  
глас 4-й*

Иже от Бога свыше Божественную благо-  
дать восприѣм, славие Григѡріе, и Того  
силою укрепляемь, евангельски шествовати

позволил еси, отонудуже у Христа возмездіе  
трудов приѣл еси, всеблаженне: Егоже моли,  
да спасет дѹши наша.

*Кондак, глас 3-й*


*Слава:* Подобоначальникъ показался еси  
Начальника пастыремъ Христа, иноковъ чредѣ,  
ѡтче Григоріе, ко оградѣ небесней настав-  
ляя, и оттѹду научил еси стадо Христово  
заповѣдемъ Его: ныне же с ними радуешься,  
и ликѹешь в небесныхъ крѡвахъ.

*И ныне:* Предстательство христиан...

Господи, помилуй (12). Слава, и ныне.  
Честнейшую Херувим...

*После причащения да пребываетъ каждый в чи-  
стоте, воздержании и немногословии, чтобы до-  
стойно сохранить в себѣ Христа принятого.*

## МОЛИТВЫ



## РАЗНЫЕ

*Молитва Иисусова*

Господи, Иисусе Христе, Сыне Божий, помилуй мя грешнаго.

*Молитва св. Ефрема Сирина*

Господи и Владыко живота моего, дух праздности, уныния, любопытства и празднословия не даждь ми. Дух же целомудрия, смиренномудрия, терпения и любви даруй ми, рабу Твоему. Ей, Господи, Царю, даруй ми зрети моя прегрешения и не осуждати брата моего, яко благословен еси во веки веков. Аминь.

*Молитва перед вкушением пищи*

Отче наш... (стр. 5). Или:

Очи всех на Тя, Господи, уповают, и Ты даеши им пищу во благовремени, отвергаеши Ты щедрую руку Твою и исполняеши всякое животное благоволения.

*Молитва после вкушения пищи*

Благодарим Тя, Христе Боже наш, яко насытил еси нас земных Твоих благ; не лиши нас и Небеснаго Твоего Царствия, но яко посреде учеников Твоих пришел еси, Спасе, мир дай им, прииди к нам и спаси нас.

*Молитва идущего в церковь*

Возвеселихся о рекших мне: в дом Господень пойдём. Аз же множеством милости Твоея, Господи, вниду в дом Твой, поклонюся ко храму святому Твоему в страхе Твоем. Господи, настави мя правдою Твоею, враг моих ради исправи пред Тобою путь мой; да без преткновенія прославлю Единю Божество, Отца и Сына и Святаго Духа, ныне и присно и во веки веков Аминь.

*Призывание помощи Духа Святаго на всякое доброе дело*

Царю Небесный... (стр. 4).

*Тропарь, глас 2-й*

Творче и Создателю всяческих, Боже, дела рук наших, к славе Твоей начинаемая, Твоим благословением спешно исправи, и нас от всякаго зла избави, яко един всесилен и Человеколюбец.

*Кондак, глас 6-й*

Скорый в заступление и крепкий в помощь, предстани благодатию силы Твоея ныне, и благословив укрепи, и в совершенные намерения благаго дела рабов Твоих произведи: вся бо елика хощеши, яко Сильный Бог, творити можеш.

*Благодарение за всякое  
благодетельство Божие**Тропарь, глас 4-й*

Благодарни суще недостойнии рабы Твои, Господи, о Твоих великих благодеяниях на нас бывших, славяще Тя хвалим, благословим, благодарим, поем и величаем Твое благоутробие, и рабски любовно вопием Ти: Благодетелю Спасе наш, слава Тебе.

*Кондак, глас 3-й*

Твоих благодеяний и даров туне, яко рабы непотребнии, сподобльшеся, Владыко, к Тебе усердно притекающе, благодарение по силе приносим, и Тебе яко Благодетеля и Творца славяще, вопием: слава Тебе, Боже Всещедрый.

*Слава, и ныне: Богородичен*

Богородице, христианом Помощнице, Твое предстательство стяжавши рабы Твои,

благодарно Тебе вопием: радуйся, Пречистая Богородице Дево, и от всех нас бед Твоими молитвами всегда избави, Едина вскоре предстательствующая.

*Молитва Оптиных старцев*

Господи, дай мне с душевным спокойствием встретить все, что принесет мне наступающий день. Дай мне всецело предаться воле Твоей святой. На всякий час сего дня во всем наставь и поддержи меня. Какие бы я ни получал известия в течение дня, научи меня принять их со спокойной душой и твердым убеждением, что на все святая воля Твоя.

Во всех словах и делах моих руководи моими мыслями и чувствами. Во всех непредвиденных случаях не дай мне забыть, что все ниспослано Тобой.

Научи меня прямо и разумно действовать с каждым членом семьи моей, никого не смущая и не огорчая.

Господи, дай мне силу перенести утомление наступающего дня и все события в течение дня. Руководи моею волею и научи меня каяться, молиться, верить, надеяться, терпеть, прощать, благодарить и любить всех. Аминь.

*Псалом 90*

Живѣй въ по́мощи Вы́шняго, въ крѣ́вѣ Бога Небѣснаго водворѣ́тся. Рече́тъ Господе́ви: Застѣ́пникъ мой еси́ и Прибе́жище мое, Бог мой, и упова́ю на Него́. Яко́ Той изба́витъ тя от сѣ́ти лѡ́вчи, и от словесе́ мѣтѣ́жна, плещма́ Своѣ́ма осенѣ́тъ тя, и под криле́ Его наде́еши́ся: ору́жьемъ обы́детъ тя исти́на Его. Не убой́ши́ся от стра́ха но́щнаго, от стрелы́ летѣ́юща въ дни, от вѣ́щи во тмѣ́ прехо́дѣюща, от сря́ща, и бѣ́са полуденнаго. Паде́тъ от страны́ твоѣ́й ты́сяща, и тма́ одесну́ю тебѣ́, къ тебѣ́ же не прибли́жится, оба́че очѣ́ма твоѣ́ма смѡ́триши, и возда́ние грѣ́шниковъ ў́зриши. Яко́ Ты, Господи, упова́ние мое, Вы́шняго положи́л еси́ прибе́жище мое. Не при́идетъ къ тебѣ́ зло, и рана́ не прибли́жится теле́си́ твоѣ́му, яко́ Ангеломъ Своѣ́мъ заповѣ́сть о тебѣ́, сохрани́ти тя во всехъ пу́тѣхъ твоихъ. На рука́хъ возму́тъ тя, да не когда́ преткне́ши о ка́мень но́гу твою́, на а́спида и васи́ли́ска настѣ́пиши, и попере́ши льва и зми́я. Яко́ на Мя упова́, и изба́влю ѿ: покро́ю ѿ, яко́ позна́ ѿ́мя Мое. Воззовѣ́тъ ко Мнѣ́, и услы́шу его́: съ нимъ есмь въ ско́рби, изму́ его́, и просла́влю его́, долготѣ́ю дней испо́лню его́, и явлю́ ему́ спасѣ́ние Мое.